

卷一至卷二

皇王明文選
甲



一三五二三

皇明文選序



長樂縣
振錄西
請卷七



稽古唐虞三代文莫尚焉載之六經永世
作程厥儷鮮已嗣是而漢唐宋作者代興
然時序有升降道德有隆汙學術有醇駁
文之微替恒必由之今文選文粹諸編炳
炳焉可攬而窺也

明興百八十餘年文雅斯盛

國初葉胡元之穢經緯綸誥則潛溪為之

冠闡明理道則正學擅其宗脩飾治平則
文貞耀其烈文治精華肇端於此矣弘治
以來擄辭之士爭自奮濯穆乎有遐古之
思罔不效法墳典追薄風騷體局變矣李
何發穎于河洛康呂高步于關右咸一時
之選也海內嚮風波流寢遠彬彬乎其盛
哉楊雄氏有言曰古者之學耕且養三年
通一經今之學也非獨爲之莖羊藻也又從

而繡其鞶帨夫鞶帨外飾也益以繡焉不
鑿質而妨道乎文盛之敝且以妨道識者
蓋傷其流矣楚春谷汪先生負博雅之材
秉知言之鑒於昭代之文網羅蒐輯越有
歲年日懼其放失而莫之釐正也迺取程
篁墩氏舊刻文衡芟繁撫要大都所存凡
十之三增所未備又十之七總五百餘篇
列爲二十卷思以刻布傳示將來恩受而

讀之卒編嘆曰我明之文其不在茲乎夫
文比物引類章志表微明古道開來學淑
人心其言故足貴也是編所載華而不浮
質而不野大之有以瀟綸造化裨助
皇猷次之有以褒叙人倫匡正氓俗掇英
茹實茂以加矣是不可以傳乎先生又言
曰余今所采輯僅僅若此凡余耳目所未
睹聞者何限不得錄時賢聲名之顯著者

文雖善未暇錄俟後之君子裁定仁夫先
生之用心也夫易牙辨淄澠之水於一歃
之間九方臯之別駑驥在牝牡驪黃之外
是有神解之妙焉非以跡而湏也先生取
舍折衷爰有真識允協厥宜其與識馬之
情知水之味者何異標之緗素特爲可傳
學者即是集而觀焉涵泳優游則所以自
得之機躍如言外又惡可已也詩不云乎

伐柯伐柯其則不遠夫以則而求何遠之
有昔者夫子荅仲弓舉賢才之問曰舉爾
所知爾所不知人其舍諸先生是編錄所
知矣錄所知以示夫人人則所未及錄者
人安能舍之乎故曰仁夫先生之用心也
嘉靖甲寅歲六月望日
賜進士出身中奉大夫江西布政使司右
布政使上海潘恩撰

皇明文選引論



夫日月星辰之森列天之文昭于上也山
川草木之附麗地之文布于下也著之話
言達意宣情人之文行乎中也夫文也者
所以經緯天地詔叙倫紀闡發幽微彰昭
靈性者也是故物感而情生焉情生而聲
發焉聲發而言成焉文者又言之精者也
傳曰言之無文行之不遠又曰文非能爲

之爲工不能不爲之爲工解繩以來六籍
斯興易始卦爻彖象書載典謨訓誥詩傳
國風雅頌噩噩爾渾渾爾泯泯爾體雖殊
科道由一揆乃文之至者也經熄時遷飾
虛亂真炎漢御宇載煽王風西京之文號
爲爾雅衰漢六朝風斯靡矣唐宋以來得
之者振起乎藝林失之者風靡于衰草此
文章當以時論亦當以人論也自我

高皇開天崇重文學首聘真儒一時鉅工
摘藻修詞如未雕之玉未吐之華渾弘博
大論者以爲有淳古之風宣德天順以后
人自爲藝淳風少更逮至弘治之間儒教
聿興藝文相尚一時作者雖體裁不同博
大偉麗迄今稱之至我
皇上御極超三邁五制禮作樂敬一垂訓
道久化成士爭自濯磨文治蔚然興矣夫

明興百八十餘年承平日久士不榮躍馬
之勲各競操觚之業擄翰之士代有其人
以文名家者亦歷歷可數然體制不同規
裁不一是故巨者日融小者星列長者江
流微者河浸自程篁墩先生選後無繼之
者予荒鄙楚人非知文者也願學焉但名
家文集極爲浩繁藏携不便乃於容臺暇
日采而集之以便觀覽自

真齋一都軍工

國初以及于今凡詔制誥冊以代言也頌
贊以告君也箴銘論議說解辨對以訓世
也傳原雜著紀序跋引以紀事也碑誌以
彰微也夫代言之體先于渾告君之體先
于忠訓世之體先于規紀事之體先于正
彰微之體先于實夫渾則不愆忠則不阿
規則不違直則不偏實則不僞渾也忠也
規也正也實也皆禮之善物也予取以爲

則焉况文也者所以經緯天地詔叙倫紀
闡發幽微彰宣靈性者也皆賢人君子精
神心術之所寓也采而集之亦足以彰我
明文治之盛而立言之精華亦因以傳也
壬子之春謫官閩中益加蒐輯邇者量移
豫章乃謀鋟梓以成夙志或曰能無遺乎
予曰有之天下之廣百八十餘年之遠其
見之鏤刻者得取而書之遇其子孫者得
索而書之散逸不存者不得而書也當時
宗工鴻匠詞翰彬彬然不敢擅爲去取則
不敢書也亦管窺蠡測一時一人之見耳
若夫集一代之成爲萬世不刊之計則以
俟後之君子

嘉靖三十三年夏六月之望南楚春谷汪
宗元書



宗文書

嘉祐三年三月廿六日之望南焚香谷法
新造之君子

若夫集一於心誠為萬世不泯之信與以

不嫌書也亦皆與世同其

宗正

書也亦皆與世同其

皇明文選卷之一

目錄

詔四

定嶽鎮海瀆名號詔

冊免租稅詔

封高麗國王詔

諭安南國詔

制二

中書平章政事常遇春追封開平王制

王禘



梅思禮授大都府副使制

諸皇考平章文憲常武春武桂閣平王誥

歸皇外考妣追封誥 王禕

趙德勝贈江西平章政事追封梁國公誥

掛高麗國王臨 王禕

冊文

懿祖謚冊文 代陶學士作

蘇伯衡

懿祖妣謚冊文

表八

代翰林院勸進表

蘇伯衡

代中書省賀平杭湖秀越表

蘇伯衡

進實錄表

解縉

親征胡虜回鑾百官賀表

楊士奇

代衍聖公賀登極表

李東陽

初開經筵謝宴賚表

李東陽

進歷代通鑑纂要表

李東陽

重進大明會典表

李東陽

頌六

平胡詩頌

胡廣

清邊頌

鄒緝

平逆頌

程敏政

騶虞頌有序

楊士奇

取瑞雪頌有序

瑞應麒麟頌有序

李東園

贊三

李東園

太師韓國公畫像贊

蘇伯衡

宗忠簡公畫像贊

李東園

箴三

蘇士音

磨堯堅箴

宋濂

官箴上

劉基

官箴中

官箴下

却兼味箴

王紳

銘三

王紳

忠孝堂銘

王直古

玉兔泉銘

劉基

卷之二

述

翰墨林七更有序

金寔

論七述并序

何仲默

論二十八

夏后氏之郊

漢高帝

高帝

高帝呂后論

丙吉

東漢

釋統上

釋統中

釋統下

正紀

李泌

卷之三

論

宋論

春

春

春

曹參

漢文帝

胡翰

劉基

梁潛

方希古

方希古

王翰

宋濂

劉基

胡翰

高啓

李泌

李泌

劉定之

劉定之

劉定之

劉定之

謝鐸

謝鐸

唐太宗

唐高宗

狄仁傑

春秋論

季札論

許衡論

作志通論

魯莊公論

簡侍

師田

謝鐸

謝鐸

謝鐸

章懋

崔銑

崔銑

李夢陽

崔銑

崔銑

崔銑

議二

七出議

傳文穆公謚議

倪文毅公謚議

卷說七

天說上

天說下

文雷說上

雷說下

說農贈薇山子

王禕

王禕

謝鐸

謝鐸

劉基

劉基

劉定之

劉定之

劉定之

李夢陽

寒義宜之名字說

周宗傳

奕說

康海之

文二

唐肅之

申屠子迪毀曹操廟文

王達

却巧文

程敏政

卷之四

解三

朱右

中星解

程敏政

成齋解

貝瓊

秦龍解

宋濂

辯二

祿命辯

王武時

壘辯

程敏政

對一

同壽堂對

蘇伯衡

雜著二十四

宋濂

燕書四十一卷今取其十

蘇伯衡

空同誓說二十八今取其五

方希古

宗儀九今取其四

宋濂

尊祖

宋濂

重譜

廣睦

謹行

牛李維州事

公孫弘節儉

律尺考

歲差考二

卷之五

記八十六

閱江樓記

共學齋記

櫟軒記

節義堂記

謁周公廟記

遊荆塗二山記

樗舍記

植勤堂記

仰高樓記

華萼軒記

京城鐘鼓樓記

宋濂

趙汭

蘇伯衡

王禕

宋濂

趙汭

蘇伯衡

王禕

宋濂

趙汭

蘇伯衡

王禕

宋濂

趙汭

蘇伯衡

王禕

朱善

吳沉

王景古

王景古

宜隱軒記

方希古

石鏡精舍記

方希古

滁州重建醉翁亭記

胡廣

虎丘雲巖寺重修記

胡廣

聚奎堂記

胡廣

重修河南程氏三先生墓祠記

楊榮

書畫船記

黃淮

松江府濟農倉記

胡儼

承恩堂記

楊溥

重修范文正公忠烈廟記

王直

賜進士題名記

金幼孜

卷之六

記

友恭堂記

蘇伯衡

師古齋記

蘇伯衡

重修至德廟記

周忱

賜遊西苑記

李賢

邵陽縣重修廟學記

薛瑄

唐文學館學士畫像記

薛瑄

耻菴記

羅倫

榮壽堂記

羅倫

光霽樓記

李東陽

董子祠堂記

程敏政

楚觀樓記

李東陽

重修尼山宣聖廟記

李東陽

山西布政司修造記

李東陽

重修福州府學孔子廟記

李東陽

蜀山蘇公祠堂記

李東陽

定州韓魏公祠堂記

李東陽

重修呂梁洪記

李東陽

宋文丞相祠堂記

羅倫

鐵漢樓記

彭韶

胡忠簡公祠記

吳寬

廉石記

吳寬

綠野書院記

吳寬

表率一方記

靳貴

卷之七

記

蔡氏祠堂記

陳俊

雙松書院記

何喬新

郡守馮侯閔雨記

羅玘

真軒記

楊廉

時刑科題名記

楊廉

後樂堂記

楊廉

湖廣貢院增修記

林俊

醒翁亭記

林俊

二烈祠記

林俊

都察院行臺題名記

林俊

后峰記

林俊

修永年縣學記

景暘

觀亭記

章懋

嘉樹亭記

章懋

重修山陰縣學記 乙酉

王守仁

君子亭記 戊辰

王守仁

象祠記 戊辰

王守仁

重修浙江貢院記 乙酉

王守仁

重修文山祠記 戊寅

王守仁

萬松書院記

王守仁

忠義祠記

黃鞏

賓貢圖記

李夢陽

觀風亭記

李夢陽

石滌精舍記

李夢陽

卷之八

記

浩然堂記

李夢陽

尚友山堂記

康海

藍氏世慶樓記

康海

信陽修城記

何仲默

略陽縣遷建廟學記

河東運司學進題名記

呂柟

重建薛文清祠堂記

呂柟

兵部武選清吏司題名記

呂柟

徐生問壽記

呂柟

南京重修太廟成欽受勅書記

呂柟

重修華州治記

呂柟

重建伏羲廟記

唐龍

文武成康廟記

唐龍

邠州文正公祠記

唐龍

張先生鸚菴祠記

唐龍

遺愛祠記

唐龍

阜民樓記

崔銑

四貞祠記

崔銑

長蘆都轉運司題名記

徐闕

改建貴陽書院記

徐闕

重修唐魏文貞公祠記

汪佃

卷之九

序二百四十二

宋濂

大明日曆序

宋濂

洪武正韻序

宋濂

陶尚書文集序

徐一夔

郁離子序

徐一夔

六書本義序

徐一夔

上虞孝女朱娥詩序

唐肅

送晉王相汪君序

蘇伯衡

贈錢文則序

高啓

精誠錄後序

鄭楷

麟谿集序

張統

送太學生趙孝先從軍詩序

方希古

贈王仲縉序

方希古

送滁守周伯器秩滿序

陳川

潛谿續文粹序

樓璉

贈給事中周讓使古剌序

胡廣

賜遊西苑詩序

楊士奇

贈太師夏公輓詩序

金幼孜

贈兵部尚書陳公赴交趾序

金幼孜

杏園雅集圖序

楊榮

女教續編序

王直

贈太學生石太用詩序

陳敬宗

贈吳先生還家序

李賢

會試錄序

薛瑄

王忠文公文集序

楊士奇

性理群書補註序

楊士奇

東郭草亭宴集詩序

楊士奇

潘尊用拜吏科都給事中序

岳正

送陳緝熙使朝鮮詩序

岳正

卷之十

序

送劉給事中巡撫山東序

楊士奇

虞氏家範序

楊士奇

贈王給事中序

薛瑄

贈王世寧歸覃懷序

薛瑄

伍友詩序

薛瑄

金坡稿序

程敏政

丘先生文集序

程敏政

送少師大學士徐公謝政南歸序

送少師大學士徐公謝政南歸序

程敏政

京師十景詩序

謝鐸

定軒存稿序

謝鐸

國朝名臣事略序

謝鐸

正俗編序

謝鐸

送林蒙菴先生序

謝鐸

薊城胡氏族譜序

羅倫

三禮考註序

羅倫

送陳僉事夢祥歸番禹序

羅倫

福州府學重正諸書序

羅倫

嶺南王氏族譜序

羅倫

南豐文集序

羅倫

萃英集序

張梟

送灤州守汪君孟哲赴任圖詩序

張梟

送灤州守汪君孟哲赴任圖詩序

張梟

壽太宰山東尹公八廢圖詩序 張昇

送南京太常寺卿楊公應寧赴任詩序

游西山詩序 張昇

賀南京兵部尚書叅贊機務祥符王公述之

遷任序 張昇

送雲南布政司叅議黎君本端赴任序 張昇

送上海令涂景儒赴任詩序 張昇

榮慶圖序 張昇

卷之十一

序

送侍講學士劉君歸東川省慶詩序 羅玘

送南京守備掌左軍都督府事魏國公六十

壽序 羅玘

送刑部尚書何公赴 羅玘

詔使禱雨有感詩序 羅玘

平寇錄序 羅玘

震壽圖詩序 羅玘

震壽圖詩序 羅玘

震壽圖詩序 羅玘

震壽圖詩序 羅玘

王堂齋宿聽琴序

羅玘

送江文集後序

羅玘

慶喻公以善七十壽詩序

羅玘

送祁君宗規出知徽州府序

羅玘

送憲副張君之任陝西序

羅玘

送大鴻臚丁君之任南京序

羅玘

壽丁毋八十序

羅玘

楚辭序

何喬新

宋論序

何喬新

思義集序

何喬新

平蠻詩稿序

何喬新

送方伯沈公赴廣西序

何喬新

送少師徐公致仕還鄉序

吳寬

劉文恭公集序

吳寬

五同會序

吳寬

京都十景詩序

吳寬

送屠元勳序

李東陽

送李士常序

李東陽

送憲副李君提學浙江序

李東陽

青巖詩集序

李東陽

順天府鄉試錄序

李東陽

汪氏家乘序

李東陽

會試錄序

李東陽

馬石田文集序

李東陽

劉文和公集序

李東陽

太子太保工部尚書李公獲壽序

李東陽

倪文毅公集序

李東陽

屠氏家乘錄序

李東陽

卷之十二

序

童對君雙全詩序

李東陽

南行稿序

李東陽

重修大同帥府記

徐溥

丁未科進士題名記

徐溥

潞州重修廟學記

林瀚

送徐孟得歸省序

張益

休庵詩序

柯宜

慶少師石齋先生揚公詩序

蔣冕

余肅敏公奏議序

楊廷和

恩遇錄序

毛玘

太守董君脩學詩序

楊濂

贈右都御史陳總制嶺南詩序

楊濂

送王景昭僉憲序

楊濂

送任宗海序

林俊

壽宮保劉先生詩序

林俊

贈查忠齋副東臺憲序

林俊

贈羅福之序

林俊

入賀詩序

林俊

白齋詩集序

林俊

宋丞相李忠定公文集序

林俊

元老木齋謝先生壽篇序

林俊

拙夫序

黃華

懷麓堂文集後序

靳貴

贈福建僉事夏君連山序

靳貴

昌氏遺書後序

靳貴

送興化守王君存敬考績序

蔡清

送梁先生使安南序

蔡清

急流勇退詩序

章懋

送宗伯喬白巖序

王守仁

紫陽書院集序

王守仁

禮記纂言序 庚辰

漢紀序

卷之十三

序

贈王端溪序

賀侍御張君汝楨三載奏最序

送右副都御史孫公序

南園翁九十壽序

陳思正集序

白鹿洞志序

詩集自序

張生詩序

楊月先生詩序

熊士選詩序

代同榜序

贈何君遷太僕少卿序

送按察使房公序

送陳公赴貴州序

送右副都御史臧公序

送童公赴京尹序

王守仁

王守仁

章懋

蔡青

景賜

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

李夢陽

送陳公序

李夢陽

何公陞南京工部右侍郎序

李夢陽

觀風河洛序

李夢陽

贈郭侯序

李夢陽

李君陞按察司僉事兵屯穎上序

李夢陽

兵部尚書華容劉公歸序

李夢陽

贈余思睿序

李夢陽

送史泰序

李夢陽

姜翁夫婦八十壽序

李夢陽

封監察御史王公壽序

李夢陽

贈李九江序

李夢陽

刻戰國策序

李夢陽

刻諸葛孔明文集序

李夢陽

遵道錄序

李夢陽

完名榮壽編序

李夢陽

送都御史王公移鎮陝西序

李夢陽

送都御史夏公序

李夢陽

送石菴先生歸序

李夢陽

乙丑同年便覽錄序

崔銑

賓筵贈別詩序

崔銑

贈董先生序

崔銑

卷之十四

崔銑

序

李夢

瞻辰樓詩序

崔銑

贈施御史序

崔銑

孫太史歸省詩序

崔銑

刻文章正宗序

崔銑

贈吳司徒獻臣考績序

崔銑

贈大司徒秦公赴

召序

崔銑

喜雪詩序

崔銑

大司徒李公八十壽序

崔銑

贈中丞黃公伯魁歸序

崔銑

贈大中丞簡公序

崔銑

贈左丞陳公之晉陽序

崔銑

鈴山堂集序

崔銑

贈大司徒李公歸蒲汀序

崔銑

賀宮保浚川王公序

崔銑

贈劉大理赴

召序

崔銑

贈太宰石塘聞公考績序

崔銑

贈大司徒桐溪錢公考績序

崔銑

尚書秦公山半齋年卷序 徐問

贈古濤師畫竹序 張邦奇

讀書錄要語序 張邦奇

別陽明子序 張邦奇

重刊文章正宗序 蔡潮

坐忘論序 薛蕙

升菴詩序 薛蕙

老子集解序 薛蕙

送南京左副都御史蕭公序 呂柟

送張子汝禎任河南兵備副使序 呂柟

送汪希周之福州太守并壽其父母序 呂柟

送李新安序 呂柟

送劉任丘序 呂柟

贈成秀卿考績序 呂柟

贈秦懋功考最序 呂柟

贈松石劉公陞南太僕序 呂柟

送林太平序 呂柟

送何栢齋北上序 呂柟

送白樓吳公考績序 呂柟

觀風餘興序 呂柟

向馬文正公集略序

呂柟

送洪雲南序

呂柟

賀彭公平蜀序

呂柟

卷之十五

序

楊氏族譜序

康海

壽孟母太夫人孫氏八十有四序

康海

壽劉母太夫人董氏七十詩序

康海

壽遂菴先生詩序

康海

贈巡撫陝西右副都御史藍公序

康海

送朱升之任序

康海

送大復先生還信陽序

康海

送袁介夫序

康海

贈僉都御史翟公往撫寧夏序

康海

贈楊秉衡序

康海

送張闇夫序

康海

左都御史彭公還朝序

康海

副都御史李公往治甘肅序

康海

送瀟川子序

康海

陝西壬午鄉舉同年會錄序

康海

何仲默集序

康海

太子少保禮部尚書李公七十序

康海

贈雨山子序

康海

何氏集序

王廷相

送劉際顯擢

王廷相

宗人府經歷序

王廷相

重刊青陽文集序

許讚

重刊薛文清讀書錄序

許讚

馬端肅公三記序

許讚

循吏私錄序

唐龍

吏部獻納稿序

唐龍

揚明先生還朝序

唐龍

司馬荆山先生提督三邊軍務序

唐龍

西行紀序

唐龍

周禮定本序

舒芬

韓文考異重刻序

舒芬

送陳虞山先生之任序

汪文盛

叙萬山

汪文盛

撫雅叙

汪文盛

重刊齒錄序

汪文盛

壽翟母序

汪文盛

卷之十六 宋本 尚書李公七十序

序

送廖惟脩守延平序

汪佃

送給事史君克弘使朝鮮序

汪佃

石龍集序

王廷相

廣文選序

王廷相

送逕野呂先生尚寶考績序

王廷相

鈴山堂集序

王廷相

李空同集序

王廷相

送大司馬兩洲王公致政序

侯綸

壽師相介翁嚴公七十序

張治

贈宗伯兩洲王公考績序

張治

應天府鄉試錄後序

張治

會試錄後序

張治

壽韓苑洛七十序

張治

壽封君筆山傅公八十序

張治

殿閣詞林記序

廖道南

六善

王廷陳

贈陳中川公拜山東按察使序

高叔嗣

老子集解序

高叔嗣

題跋引十二篇

張公

世直堂銘有序

楊榮

恭題幽風圖後

宋濂

章園歲會詩引

李夢陽

題王維畫輞川圖

王叔英

題六檜堂卷

黃淮

書袁廷玉傳後

王其琳

書鄒浩傳後

周忱

題劉商觀奕圖

周忱

題王右軍蘭亭帖

蘇伯衡

書清宴閣讌記後

蘇伯衡

明妃寫召圖跋尾

康海

題鄭宣撫墓誌後

蘇伯衡

傳九

杜環小傳 蔣貞婦傳 鄭列婦傳

宋濂

唐珏傳

張孟兼

二孝子傳

王叔英

劉子輔傳 周是脩傳

尚書王文安公傳

吳尚書傳

卷之十七

原五

文原

原諫

原治

原壽

原壽

書五

奉陳二卿書

奉總兵官英國公書

與行在戶部諸公書

奉王家宰書

與空同先生論詩書

碑十五

大明勅建大學碑

勅建歷代帝王廟碑

勅建禮部之碑

楊士奇

陳敬宗

崔銑

宋濂

王禕

梁寅

唐龍

李夢陽

黃福

黃福

周忱

周叙

何仲默

宋訥

宋訥

楊士奇

東丘郡侯花公墓碑

宋濂

精忠廟入帝廟碑

徐有貞

卷之十八 大學碑

宋濂

碑十五

求嘉文信公新祠碑

謝鐸

立誠書院碑

鄭岳

少保兵部尚書于公祠重修碑

李夢陽

鄆陵縣城碑

李夢陽

大梁書院田碑

李夢陽

禹廟碑

李夢陽

欽定書院碑

李夢陽

河南清軍察院題名碑

李夢陽

大明嘉靖平虜之碑

康海

嘉靖甲午平虜之碑

康海

神道碑六

大明追封楊王神道碑銘有序 宋濂

少保戶部尚書贈特進光祿大夫太師謚忠

靖夏公神道碑銘 宋濂

勅賜光祿大夫行中書省平章政事柱國追

封蘄國公謚武義康公神道碑銘 宋濂

榮祿大夫少師禮部尚書謚文穆胡公神道
碑銘

特進光祿大夫左柱國太師謚文貞楊公神
道碑

榮祿大夫太子太保吏部尚書謚忠肅王公
神道碑

卷之十九

墓碑六

淳泥國恭順王墓碑

特進光祿大夫左柱國太師謚文敏楊公墓

誌銘

楊士奇

明故榮祿大夫少師戶部尚書兼武英殿

大學士謚文簡黃公墓誌銘

陳敬宗

故通議大夫工部右侍郎羅公墓碑

南京工部尚書李公墓表

王英

封儒林郎翰林脩撰呂公墓碑

康海

行狀

謝榮

故誠意伯劉公行狀

黃伯生

墓光祿大夫左柱國太師謚文達李公行狀

卷之二十

程敏達

卷之二十

墓表四大夫式封國太昭蓋文董李公

處士盧公墓表 方希古

故國子監司業吳君墓表 楊榮

孫少卿墓表 崔銑

南京工部尚書李公墓表 康海

祭文九 宋濂

祭古帝王陵墓文 宋濂

祭高麗國山川祝文 王禕

祭宋景濂先生文 方希古

祭兵部尚書陳洽文 金幼孜

翰林院祭李文達公文 劉定之

祭薛文清公墓文 胡謐

弔國使王翰林文 張統

弔陳先生文 王英

祭舒國裳脩撰文 汪佃



卷之二十一

某是時

處士盧公某

故國子監司業吳君墓誌

祭諸國業前辭文

甲朝宋主文

甲朝王韓林文

祭諸文書公墓文

翰林劉祭李文並公文

皇明文選目錄終書刊公文

皇明文選卷之一

詔

定嶽鎮海瀆名號詔



皇明文選卷之一
詔

詔曰自有元失馭群雄鼎沸土宇分裂聲教不同朕奮起布衣以安民為念訓將練兵平定華夷大統以正求惟為治之道必本於禮考諸祀典如五嶽五鎮四海四瀆之封起自唐世崇名美號歷代有加在朕思之則有不然夫嶽鎮海瀆皆高山廣水自天地闢闢以至於今英靈之氣萃而為神必皆受命於上帝幽微莫測豈國家封號之所可加瀆禮不經莫此為

甚至如忠臣烈士雖可加以封號亦惟當時爲宜夫
禮所以明神人正名分不可以僭差今命依古定制
允嶽鎮海瀆並去其前代所封名號止以山水本名
稱其神邵縣城隍神號一體改正歷代忠臣烈士亦
依當時初封以爲實號後世溢美之稱皆與革去其
孔子明先王之要道爲天下師以濟後世非有功於
一方一時者可比所有封爵宜仍其舊庶幾神人之
際名正言順於理爲當用稱朕以禮祀神之意故茲
詔示咸使聞知

免租稅詔

蓋聞自古帝王必資民力以助成武功故國家尤當
以恤民爲先務朕爲億兆主甚欲與吾民同樂於天
地間卽位以來于今三年各處郡邑雖嘗免其稅糧
尚慮凋弊之餘未能蘇息其應天太平鎮江宣州廣
德滁州和州當創業之初錢糧供億實爲浩繁賴此
數郡以足國用遂致平定四方念其勤勞何時忘之
深宜優恤應天太平已宜免其稅糧二年鎮江宣州
廣德滁和已免二年此七處今年夏秋稅糧再行蠲
免徽州嚴州金華衢州處州廣信池州饒州廬州以
次歸附供給皆爲煩勞此九處今年夏稅秋糧亦與

蠲免其河南北平近入版圖重念其民久罹兵革疲困爲甚山東與河南地方相接其民宜加培養庶使河南之民得以相資爲生山東已嘗與免二年河南北平已免一年此三處今年稅糧並行再與蠲免朕以布衣起事民間艱苦無不周知今所優免姑以凋弊之處爲先所在有司其尚謹於奉承以體朕恤民之意

封高麗國王詔

王禘

朕肇膺正統誕撫多方乃眷高麗襲朝鮮之遺壤克尊中夏逾渤海而稱臣頃詔使之往臨卽表詞之來上有嘉方物良仍哀情蓋由夙慕於華風用是恪脩於臣職况爾三韓之胄世皆慎始終屬茲四海之一家何殊內外爰稽彝制載錫茅封今遣某官齎印仍封爾爲高麗國王於戲保民社而王纂榮封於舊服守禮義之國作屏翰於東藩其始自今毋替朕命故茲詔爾想宜知悉

諭安南國詔

宋濂

春秋大義亂臣賊子在王法之所必誅不以夷夏而有間也向者安南國王陳日烜薨我國家賜以璽書而立日燾爲王今觀所上表章乃名叔明詢諸使者

日賢爲盜所逼悉自剪屠其羽翼身亦就斃此皆爾
叔明造計傾之而滅篡奪之禍也揆於大義必討無
赦姑或更救改轍擇日賢親賢命而立之庶幾可贖
前罪不然十萬大將水陸並進正名致討以昭示四
夷爾其無悔

制

中書平章政事常遇春追封開平王制

王禧

天開鴻業篤生英傑之臣星隕將營載舉哀榮之典
肆大勲之垂集俄上將之云亡庸錫褒封誕頒渙號

其官常其英敏而沈毅嚴肅而恢宏自初建於義旗
卽來歸於戎旆首從淮右揚采石之鋒旋定江東振
舟陽之捷拓邊疆於全楚殲強敵於三吳掃河洛而
奠中原指幽燕而平朔土功成百戰允爲一世之豪
氣蓋三軍豈特萬人之勇近報欒陽之凱益窮漠北
之追攬哀討之遠來知力疾而猶戰眷言忠蓋深用
痛傷海宇一家旣已成於大統君臣同體期共享於
太平事乃若斯情何能已秩庸陞於次相爵兼錫於
真王雖禮數之有加於予心其猶歉於戲金書鉄券
曷忘佐運之功袞衣繡裳尚服飾終之命寵靈弗替

祿胤彌昌可贈翊運推誠宣德靖遠功臣開府儀同
三司上柱國太保中書右丞相追封開平王謚忠武
大平梅思禮授大都府副使制封公
建庶官以臨萬國任莫重於本兵掌邦政而統六師
選必先於碩輔具官梅思禮材質驍勇器量雄深宵
襟韜略之奇被服詩書之雅早登華貴作鎮藩翰保
境安民待四方之底定提墻籍戶安一日而來歸明
炳幾先忠於內附蓋去留灼知乎天命肆危疑克斷
以人謀辭項從劉知同曲逆舍囂去迷識擬伏波升
我師徒束兵而下淮甸暨其士女安堵有如泰山靖

言思之厥功懋矣是用擢居宥密俾贊樞機匪彰效
順之勤式示輸誠之勸於戲立非常之功則有非常
之賞既肇錫以殊恩奮國士之報以酬國士之知益
圖臻於顯効可授大都府副使

皇外考妣追封誥
皇外考妣追封誥

朕惟歷代君天下者推恩必及於后族親親之道也
皇后馬氏勤勞內助化家爲國非其親之積德何以
致此稽于典禮是用追封皇外考馬某爲徐王皇外
妣爲徐王夫人乃立廟以奉祀事於戲親之至則思

遠報之至則禮崇尚惟幽靈歆茲卹典

趙德勝贈江西平章政事追封梁國公誥

開國之初朕賴瓜牙之士執干戈以拓疆土其有捐
軀殉國而沒於王事烏得不深念之哉具官趙德勝
剛果有識勇毅絕倫始自滁和奮迹行伍乃從渡江
拔采石取姑孰遂定建業克丹陽破毘陵皆預有功
乃陞帥職從大將下宣城江陰攻吳興錢塘收青陽
石埭襲宜興高郵而安慶九江鄂渚南昌之役其功
益著及守南昌平山寇靖屬邑朕甚嘉之爰應僉樞
之命夫何敵兵侵城竭力備禦誤中矢鏑竟隕其身
於歲有功而不及親受其報朕之念爾何能忘之是
用陟以崇階列職台輔仍封大國建于上公以示飾
終之儀以昭勸忠之道英靈如在尚克歆承

冊文

懿祖謚冊文 代陶學士作

蘇伯衡

維洪武元年歲次戊申正月壬申朔越四日乙亥

孝曾孫嗣皇帝臣再拜稽首上言伏以創業開基孝
宜先於追遠祖功宗德禮莫大於正名蓋由積善而
累仁是致以家而為國考文於古進謚在今伏惟
皇曾祖考府君性賦慈仁志存謹厚克勤克儉修身

永念於貽謀無黨無偏履道每期於垂裕昔陶唐土
崇於少皞而周武追王於古公思水木之有本源履
霜露而懷怵惕謂多儀備物未足盡於孝心惟顯號
鴻名乃克符於禮典作廟有奕鏤玉惟榮謹奉冊寶
上尊號曰

恒皇帝廟號

懿祖陟降有臨神明如在繼志沐之事敢云有道之曾
孫啓土建邦末賴在天之烈祖誥誓

懿祖妣謚冊文

維洪武元年歲次戊申正月壬申朔越四日乙亥

孝曾孫嗣皇帝臣再拜稽首上言伏以人之大倫正
始必由於內治國之盛典報本莫大於尊親惟今日
之光華皆重闡之積累嚴修裸享敬上徽稱洪惟

皇曾祖妣坤道順承壺儀雍穆儉遵澣濯德音夙著
於宗姻禮備溫恭慶系遠延於孫子實由中助丕顯
前聞惟種德於百年之先故食報於數世之後遂令
耿膺獲履至尊爰考舊章或崇謚冊謹奉冊寶上尊
號曰

恒皇后誕受帝祉末膺令名重翟禘衣莫遂生榮之
願關雎麟趾尚祈陰相之功謹言

表

代翰林院勸不進表

蘇伯衡

伏以纘百王之正統莫大乎宅尊得萬國之懽心宜
先於建極蓋惟體元而居正斯足應天而順人是以
高帝開基甫四載而卽位于汜水世祖興復僅一年
而踐祚于鄗南雖遠略之不遑而不稱之是講義有
攸當道在隨時

欽惟

躬膺曆數之歸德合乾坤之大玄符顛握江左首平
黃鉞再麾潯陽端定僭僞兼收於漢孽提封奄奠於
樊襄來亨來庭南交廣西隴蜀于壇于理左濠泗右
河淮含齒食毛者咸懷僖戴阻兵特險者悉就誅擒
推聖人兼愛之心委上將專征之任義旗所指群帥
之內附肩摩仁聞所孚連城之歎降踵至蓋師出以
律而民遂其生斯不戰而屈人故大悅而歸已今則
士誠梟首於

闕下會稽通籍於域中兮矢未橐輿固載闢此皆二
儀協贊以申保佑之休百神効靈以開混一之運豐
功盛烈之著揆諸二帝則已多大寶鴻名之膺質諸
兩漢則已晚是雖聖明謙讓之節夫豈幽顯仰望之

情臣念眷命不可久違謳歌難以固拒輒陳愚懇冒
瀆盍然之憂帝曰已多大寶宸嚴伏望仰體天心俯從人欲特頒明詔俾擇良辰
講其禮而正其名以其德而居其位則郊廟社稷萬
靈永有所主華夏蠻貊億載得以承事

代中書省賀平杭湖秀越表

蘇伯衡

伏以近悅遠來率土歸聖人之德南征北伐無敵爲王者之師適瞻齊斧之
特班遄見捷書之海至群情胥慶一統維期中賀臣
聞高帝開基載興齊楚之役太宗啓運復加克寶之
誅夫欲和衆而安民則必兼弱而攻昧事非得已兵
不留行茲蓋伏遇

皇帝陛下智勇自天聰明冠世廓清區宇宋番禹依被
乎

恩光循撫遐荒棘道上供其方物顧茲浙右尚阻華
風爰致斯赫之威用副侯蘇之望收海陽以遏其衝
要定秦郵以擣其腹心濠梁泗水舉若摧枯臨淮壽
春取如拾芥計益窮而負固地逾蹙而偷生取
宸慮彌切於解懸戎車遂勤於再駕勢成犄角入効
智能引領義旗親黨之投戈恐後允懷仁聞謀臣之

稽顙爭先茗雲音平吳松繼下齒錢唐於郡縣登會稽於版圖昆山傳檄而從距牙斯拔擣李摠誠而附蕃屏悉空叛將就磔於藁街禁旅環攻其外郭茲雖天眷實出廟謨殲厥渠魁佇看歲之不臘維其士女幸覩堯之授時臣等叨列星垣獲觀靈布烟火萬里式歌神武之功于羽兩階永底文明之治

進寶錄表

鮮縉

奉天輔運推誠宣力武臣特進光祿大夫左柱國太子太師曹國公監脩國史都總裁官臣李景隆等誠惶誠恐頓首上言

聖人受命啓萬世之鴻基史氏纂書示百王之大法是故堯舜之事戴之典謨文武之政布在方冊俾文獻之足徵實古今之通義矧創業垂統者皆在於貽謀而繼志述事者敢忘於紀載鋪張極盛之闕休揚厲無窮之偉績歷選前聞之作允爲達孝之規欽惟大明太祖聖神文武欽明啓運俊德成功統天大孝高皇帝應千年之景運集群聖之大成天命眷顧之隆起徒步不階於尺土人心嚮服之誠未三年已定於京都龍飛雲從而華夏蠻貊罔不率俾日照月臨而山川鬼神莫不攸寧有過化存神之妙有綏來動

和之應英傑不期而會遐邇不令而從盡收當世之
賢才大拯生民於水火群雄歸命者不戮一夫元主
遁荒者而禮遣其嗣四方幅員之廣在古所無中國
先王之典悉復其舊守帝王心法之言明聖賢道學
之統罷黜百氏彌綸六經範圍造化曲成萬物天休
滋至而兢業貫乎始終諸福畢臻而謙抑絕乎表裏
在位之久三十餘年升遐之日百萬方哀悼比於近古
邈然罕儔漢高年不登於中壽光武運僅紹於中興
唐高祖因隋之咨宋太祖承周之業元世祖席累世
之威皆未有若斯之盛也欽惟

孝慈昭憲至仁文德承天順聖

高皇后天生聖善克相肇基則徽德邁於嬪妃開創
功超於胥宇夙聞文定之祥允叶坤元之吉螽斯有
自男之應鳴鳩均衆子之恩保合承天之慶簡能造
化之仁歷考古后妃蓋莫盛於周室然摯有誕聖之
祥而無輔運之跡邑姜有輔運之迹而無誕聖之祥
矧皆起邦君式克承世緒降及近世皆非等倫若夫
同起布衣化家爲國正位中宮十有五年家邦承式
天下歸仁誕育聖躬萬世永賴自古以來未之有也
欽惟

欽惟

聖不令歸神聖重華日與帝其之文章懋在

皇帝陛下合體乾坤重華日月煥帝堯之文章續武王之繼述孝事

太祖有見而知之之實廣詢當世得聞而知之之詳

發蘭臺記注之書而徵以藩邸之副紬金滕石室之

秘又考於世家之藏爰當嗣位之初首頒脩史之詔

命臣景隆忠誠伯臣茹瑺翰林學士臣解縉總裁翰

林學士臣王景禮部尚書臣李至剛侍讀臣胡靖臣

曾日章臣王灌臣胡儼侍講臣鄒緝臣楊榮臣金幼

孜臣楊士奇修撰臣李貴臣吳溥編修臣楊溥臣鄭

好義檢討臣王洪博士臣張伯頴臣王汝玉典籍臣

沈度臣潘幾待詔臣王在齡給事中臣朱絃吏部郎

中臣徐旭禮部郎中臣胡遠戶部主事臣端孝思太

常博士臣錢仲益國子博士臣金玉鉉助教臣王達

行人臣蔣驥僉事臣知府臣劉辰知州臣鄒濟

知縣臣王夔臣楊觀臣梁潛臣趙季通臣沈瑜教諭

臣劉宗光臣解榮訓導臣羅思程臣傳貴清晉府伴

讀臣蘇伯厚清江府教授臣張顯儒士臣端禮臣楊

孟力臣朱逢吉臣莫士安纂修慎選多士賜宴便蕃

王蕩蕩功超於千古是知禮樂征伐之自出必有訓
古之文雲霞花卉之生色不勞繪畫之工開王府而
見璠輿惟自慶其希遇仰青天而瞻象緯又奚罄於
名言皆據事而直書不假一辭之贊美但續次以成
編永示萬年之大訓謹撰述
大明太祖聖神文武欽明啓運俊德成功統天大孝
高皇帝實錄一百八十三卷繕寫成六百六十五冊
謹伏
闕上進臣景隆等無任瞻
天仰聖慚懼屏營之至謹奉表以

開元樂元年六月十五日奉天輔運推誠宣力武
特進光祿大夫左柱國太子太師曹國公監修國史
都總裁官臣李景隆誠恐惶誠恐稽首頓首謹進

親征胡虜回鑾百官賀表之詞不楊士奇用

欽奉

勅書五月十三日大駕親率六師掃蕩胡寇撫輯降
附沙漠永清誠宗社生民太平之慶謹奉表稱賀者
臣某等誠懽誠忭稽首頓首上言伏以
帝王之治統育於萬方仁義之師無敵於天下博施
洪恩而濟衆駿揚神武以除殘廓靖北陲奠安中夏

臣民懼怖海宇清寧恭惟
皇帝陛下廣大高明剛健中正惟萬物之得所溥一
視而同仁舞干羽于兩階昭郁郁禮文之盛執玉帛
者萬國致源源朝覲之來獨茲窮北之孽胡蠢焉自
外於
皇化拒招懷之綸命遏撫諭之使輶數犯邊疆肆虐
黎庶蓋恣行而罔畏略無悔罪之情不得已而用征
誠爲保民之計植黍稷豈留於穰莠育鸞鷲必剪於
鴟梟萬乘親行運神謀於霄漢六師奮發掃氛翳於
遐荒加烈火於鴻毛震迅雷於蟲戶兇渠盡截恩命
覃宣撫綏殘弊之氓敷布融熙之澤春榮秋肅皆本
乾元之仁日彩星華煥麗天旋之景前雪前王之讐言
耻肇開永世之承平臣等欣候凱旋恭摠賀臆仰之
皇明於六合如日方中祝

聖壽於萬年與天同久

代行聖公賀

李東陽

伏以運合風雲萬物覩龍飛之象心傾江漢千官肅
虎拜之儀華夏交歡臣工胥賀恭惟

皇帝陛下睿資神授

聖德天成

堯仁蕩蕩以難名

周道平平而有極

問安視膳養也備于

兩宮

出閣授經學必根乎

三典當文藝大同之世

隆準重瞳共識吾

君之子黃童白叟幸為

常承六七作

聖賢之後一人有慶恒

傳魯壁深恩罔極荷圭組於

先朝

景命維新拜冕旒於

當宁伏願

皇綱振舉

玉政敷宣仰

更化之初溥海聞風而不變叨象賢之末舉家與

國以咸休

初開

經筵謝

宴賚表

尚書勳李東陽學士

知六經筵事太師兼太子太師英國公臣張懋少師

兼太子太師吏部尚書華蓋殿大學士臣劉健同知
經筵事少傅兼太子太傅戶部尚書謹身殿大學士
臣李東陽少傅兼太子太傅禮部尚書武英殿大學
士臣謝遷兼經筵官禮部右侍郎臣王華詹事府
少詹事兼翰林學士臣劉機臣江瀾臣楊廷和太常
寺少卿兼翰林院侍講學士臣楊時暢國子監祭酒
臣張濬翰林院學士臣劉忠臣白鉞臣劉春太常寺
少卿兼翰林院侍讀臣費宏左春坊左庶子兼翰林
院侍讀臣毛澄左春坊左諭德兼翰林院侍講臣毛
紀傅珪右春坊右諭德兼翰林院侍講臣蔣冕侍讀

臣羅玘修撰臣石瑄等茲遇

經筵肇啓聖學維新講讀侍臣咸蒙
宴齊謹上表稱

謝者臣林等誠懼誠忤稽首頓首上言伏以

聖道在六經爲政必先於論道君心理萬事講學乃
所以正心蓋自虞廷闡精一之傳商宗承遜敏之戒
辟雍拜老禮重於漢家崇政說書官專於宋代願治
者用臻至化好文者亦致小康肆我

皇明益隆盛典

英廟九齡而伊始

憲皇二紀而成終迨

先帝十八載之間貽

聖子億萬年之訓恭惟

皇帝陛下天資首出

聖德躬行能自得師守

一祖

六宗之法取人為善合九州四海之公家傳心學于

儲官日御講帷于便殿聿當元祀誕啓

經筵信明君之大有為在今日乃急先務登延儒碩

列侍公卿臣等非仁義不陳夙秉子孟軻之敬無慢遊

是好敢為

帝舜之歲

天本高而聽則卑

方上而澤已降白金綵幣式頒九府之藏鶴醞鸞蓋

兼賜八珍之品竊念班叨振鷺跡幸從

龍嘘螢爝以助羲娥心知無補輸消塵以禪海嶽分

所難辭伏願

聲入心通言以道接不為聲色貨利移其志不以寒

暑夙夜間其功占奎聚於五星共識文明之有象効

嵩呼於三祝末祈

聖壽以無疆

進歷代通鑑纂要表

李東陽

臣某等恭承

先帝勅旨纂修歷代通鑑纂要今已成書謹奉

表上

進者臣東陽誠惶誠恐稽首頓首

上言伏以世有古今史冊鑒興衰之迹

聖無先後文章昭作述之光事或因舊以為新體則

似輕而實重司存纂輯道切規箴寧辭寸晷之多圖

初萬分之一洪惟

孝宗建天明道誠純中正聖文神武至仁大德敬

皇帝陛下德運堯文聖躋湯敬求多聞于古訓發

渙命于群臣謂先儒綱目之書本明正統顧上古帝

皇之世未粹成編逮宋元尤多卷帙盈箱充棟寔

繁四庫之藏東一野之愚以為纂修去多於善野貴

旰食宵衣豈有三餘之暇而言辭其辭其辭其忠

親分義列預而纂修之期朱墨更數人之手攀龍鬚

錫名稱寒暄閱二載之期朱墨更數人之手攀龍鬚

而莫逮撫靈簡以增悲不敏是慚無功可錄茲益伏

遇帝起不英御出殿閣斷焉中土回輿古之重華不

皇帝陛下。英明出類。剛健居中。上同舜哲之重華。下
軼啓賢之繼道。

實錄方修于金匱。餘功載續于汗清。非徒撮要以刪
繁。抑亦要終而原始。政必稽其得失。行必著其忠邪。
詞雖省而事已該。人既往而言獨在。博采諸家之斷
略。致商評間陳。一得之愚。代爲講說。法多從舊。理貴
折衷。不求蔽力于難知。務期開卷而有益。肇呈首帙
進讀。

經帙漸底。終篇告成。
寢廟臣等。或躬承

神授。或續奉

宸音。心微河岳之消塵。識陋海天之叢蠹。管治鑑開英
皇。館局而成于神宗之朝。政要本貞。觀君臣乃輯于
開元之世。矧茲庸劣。詎免稽遲。幸惟徃責之粗償。敢
託前時之未有。伏願
聖不自聖。益弘作聖之功。
新又日新。茂著知新之効。考治亂存亡之故。爲賞刑
黜陟之規。主善爲師。豈謂借才于異代。建中制事。用
能垂裕于後昆。謹以所修歷代通鑑纂要九十二卷
目錄凡例一卷。共六十冊。隨表上。

進以以四一卷共六十冊表土聞各子對重進王大明會典表計下下異外李東陽事因
伏以有謨訓以貽子孫垂萬年之燕翼觀會通以行
典禮昭百世之鴻規蓋非天子則不考文然惟孝者
為善繼志粵自結繩政代契託書傳象魏法陳理同
家喻制備于周官之後經傳于秦火之餘漢模略定
乎三章唐式僅頒乎六典大典垂于宋而光嶽弗完
經世紀於元而彝倫攸斁當天天心之厭亂屬

聖主之開基

俊德神功彌綸宇宙宏綱大法敷賁臣民
文皇紹統于昌期
列聖承休于奕葉政由俗革道與治同中間或斟酌
以隨時大抵皆後先而合節顧夫簡編穰浩條貫繁
多彼宿儒老吏亦不暇詳豈僻壤遐陬之所能徧故
博學貴乎知要必會極然後可歸極欲圖文獻之足
徵須及典刑之尚有昔我

孝皇之志實惟

英廟之遺上溯

累朝仰稽

烈祖謂一代開基之制在諸司職掌之書或更定于暮齡或增修于

繼世發石室金滕之秘徵兩京百府之藏儀文每據乎舊章義例特施乎

宸斷

命官分局開六館以編摩類事歸曹備百年之損益蓋自洪武戊申之歲迄于弘治壬戌之秋既挈領以提綱亦刪繁而就簡體之重者雖微必錄令之善者雖寢亦書庶幾愛禮以存羊非敢按圖而索駿文取

達而不勝乎質信可傳而寧闕其疑制異典墳宜於今而不況於古法殊紀傳叙其事而不錄其名

標題榮華袞之褒十卷合凡四口總共一百冊序簡煥雲章之錫告成雖久刊布未遑恭惟

皇帝陛下渙有堯文緝熙湯學兵民利弊以次罷行禮樂章程悉加釐革特令臣等重訂是編當卷帙之粗成荷

奎文之載賜獻諸

天府副在有司期言之必有可行俾習矣而無不察譬則麗空之宿一舉首而在目中合轍之車不出戶

而通天下臣等才輕襍線識小甕天功不厭詳貫惟
仍舊拂塵掃葉深知校閱之難測海窺天詎免遺忘
之失伏願

上念宗祧之重大下知稼穡之艱難

主善為師任賢立政惟一心之克協罔庶獄之攸兼
不愆不忘率祖考憲章於有法可久可大配

乾坤德業於無疆謹以

大明會典一百八十卷合凡例目錄共一百冊隨表

上進以

皇頌

皇太平胡詩頌

胡廣

洪惟

主天眷佑我國家

皇帝陛下以至仁大聖續承

太祖高皇帝鴻業為億兆生民主綏靖涵育四方萬

國林林總總之生皆鼓舞忻戴趨走承奉惟恐不及

至於朔漠羶裘辮髮之衆各率其屬歸誠慕義拜俯

闕下蒙荷官賞者不可勝計惟本雅失里弗率徇強

化外

皇上推天地之大德謂率土皆朕民其可使一芥獨
失其性屢發詔使撫徠之虜弗悛益甚要執我使臣
侵擾我疆場疆場之民惟其毒虐西語始慕義拜
皇上憫焉弗寧謂皇天既付予天下天下有一民一
物失其所予曷敢坐視不卹且仁者不姑息畜患以
厲民虜怙終不可赦予必躬往視師以未寧我宗社
生民時出恭圖
車駕巡北京詔
皇太子監國至是復詔
皇太子祀

天地宗社及詔告天下以發兵所由遂命將閱師未
樂庚寅二月丁未世祖六年甲辰至
車駕發北京既出塞踰五雲關道歷虜川龍旂所嚮
上天助佑風日和融消剥寒沍坤靈協贊積涵之野
咸出甘泉潔清芳冽隨地而有士馬所過無不飫足
衆心懽懌咸懷敵愾五月己卯不
車駕次玄溟河本雅失里率衆迎拒
皇上以數百騎獨先大破之諸將率麾下繼進奮驅
逐北本雅失里盡棄其族屬牛羊輕重以士騎遁去
諸將咸請追戮之

皇上謂帝王除暴祛之而已不窮殺以爲武時將士
生繫虜衆來獻者萬計詔悉去其繫虜衆有釋兵以
其屬來附者又萬計大略之指詳奉聖下略此當
皇上進而諭之曰若等悉吾民困于兇孽懷蓄憤鬱
不獲自歸久矣今朕不遠萬里來爲爾除害勿有疑
畏悉給予所獲孽畜俾自擇便地以居皆懽喜膜拜
舉手加額呼萬歲虜衆遂平獨支寇阿魯台初聞天
兵且壓境率衆先遁上曰此虜竄匿不能遠當還師
撲之如拾芥耳及班師六月甲辰至靜虜鎮寇衆來
奔者具言其狀徑搗之寇迫急請降公命米爾圖

上曰虜欲緩我師耳必詐也麾將士止馬控弦以俟
言未既虜悉衆薄我右翼諸將赴之未決登去國流
上麾虎賁三千奮進斬虜虜大震怖悉解甲去弓矢
俯伏降阿魯台以數騎遁去遂諸其同惡盡釋其餘
從而撫定之繇是瀚海迤北沙漠萬里悉平悉寧封
山勒石紀述功德告示萬世七月壬午崇禎
車駕至北京中外臣民懽忻舞蹈臣惟夷狄世爲中
國患莫甚比虜

皇上乘中興之運奉若天道恢弘治化奮揚神武廓
清六合功德隆盛宜有詠歌宣播無極臣忝執筆從

詞臣後謹撰平胡詩一首上進詩曰
韋明受命統御寰宇
皇帝仁聖承序

太祖以教以理洽于率普神化所濡涵泳鼓舞遐彼
朔上負恃遐阻弗馴弗悛執我使者橫縱桀驁跳梁
醜覩毒其與處連我邊野人之鞠窮營憂以瀧叫號
旻天盍于我扞

皇帝仁聖憫焉興憊曰時天氓彼敢虐苦惟天命予
予曷敢捨彼絕于天匪予志武乃命將臣整徒閱旅
告誓啓行以類以旅六師導御萬乘從扈如雷如雲

如颯迅鷲萬里一瞬飛越崿嶂謨斷自天孔神且許
計遐測幽瞭如矚睹逃彼朔土夏不解沍苦苦磧瀟
沃渴惟乳

皇德格天昭會靈祐春暘流敷融麗煦煦甘泉洋洋徒
乘厭飫競奮敵愾踴躍馳赴搗其狡穴玄冥之濤揮
戈擊爰闕若虡虎虜急在黼強抗螳斧殲之糜腐繼
惟七馬乃有支孽潜伏于莽一鼓而彌迅於焚羽肆
犁其藪散其藏聚

皇帝有詔厥衆咸赦解其繫縛綏其降附曰予寧汝
汝罔予懼汝饑錫汝馬牛肥矜蘇其劓殘伸其噢咻

如旱憐焚霈施甘雨懽呼膜拜藉其陰效申其興和
 皇帝聖主我昔罔知今我父母毋繇其劉胡曰予寧文
 皇帝神武德施弘溥惠彼朔野同我中土夷獯去防
 罷革邊戍邊人肆寧如愈沉痾虜人始悔知漻斯寤
 往來孚好無有疑連念五歸無其對茶燻之藥甚難
 帝曰康哉其還予駕雍雍凱歌懽騰載路四方萬國
 奔駕拜俯即會重前未即志禮歸靈即向甘泉羊羊封
 皇帝功德超冠千古相彼自古夏殷而下漢唐暨宋
 咸弊戎侮于備于禦不以晨暮財殫力劬卒罔驅去
 帝御九五恢弘治化肆揚神武扶剔民惡洗濯曠蕩
 俾民得所五兵偃戢四海熙豫宣昭人文丕闡皇度
 億萬斯年永隆

宗社臣謹作詩以繼肆夏

清邊頌

鄒緝

臣緝稽首頓首言臣伏維

皇帝陛下以天錫勇智之資具聖神文武之德紹嗣
 太祖高皇帝之統緒克勤克慎懷保小民外暨四夷
 咸加惠撫六國以信之門會合奉命不支山出煥寒
 威德所至無遠不服東極朝鮮日本南踰交趾西抵
 番戎大邦小國以至海外諸蠻夷君長悉皆臣附來

朝貢獻不絕而獨北邊殘胡遺孽未底寧順往者阿魯台梗札弗庭數為寇害障翰日本南徂交山西外皇上親御六師以討之阿魯台奔命不支由是款塞稱臣朝貢于大略闕下以天皇上功德之盛已莫與並矣惟是瓦剌三酋昔受封爵于

朝為邊疆之臣而乃背恩忘業信阻兵構逆與其黨類互相讎殺且復寇掠我邊境殺傷我人民

皇上以為此叛命之臣不可以不討之也復選將命

師

親駕往征之六月進至撒里怯兒之地遇虜兵與戰擊走之追至上刺河虜酋大集其眾據險阻以拒我師我師勇銳齊發左右奮擊大破之殺其酋長及其眾數千人追奔逐北虜救死扶傷不暇乘夜遁走漠北為之遂清乃命諸將班師而還至飲馬河和寧王阿魯台遣其酋長來朝數上撫以恩信慰而遣之六月振凱還北京臣緝於是稽首頓首言曰自古聖德之君必以安攘為首務蓋斯民既安而夷狄未除終有邊境之

患在周之時獫狁作難宣王興師以伐之觀之六月
之詩可見矣漢武帝之逐匈奴唐太宗之擒頡利皆
以其患害滋甚不得而不討之也五代及宋契丹女
直迭盛復爲中國患而達旦之元遂有中土以夷裔
變華夏中國之民辮髮左衽爲夷狄之俗者幾百年
我太祖皇帝受天明命起自布衣躬親師旅削平寇亂
掃逐戎胡北出于沙漠旣已一洗前代腥羶之習復
還先王衣冠之治矣

皇上紹承大統繼守先業復剪剔其茅柝而剗盪之
神謀睿筭預決勝於萬里之外以成千古所無之功
使三邊永寧天下蒙福真所謂功高百王而紹隆古
昔帝王之治也臣緝不勝慶幸謹撰來樂清邊頌一
篇拜手稽首以進其辭曰
聖王在御四夷咸附悉享悉臣孰敢違忤天之所覆
地之所承殊方絕域莫不來庭蠢茲醜虜包有遺柝
煦沐涵濡不戢不戢宜爾六神並外極之民無非文
恩以長以息惟

皇之德懷附以仁錫之封爵俾長其人大漠之墟窮
陰之野息養蕃滋以有羊馬乃逞其兇乃肆其奸驕

欲是爲因構其端同類相讎遇我來附掠境盜邊以
啓之動對前以不越之桂嶺幹其人大莫之盡
皇怒

皇帝曰吁曷可不治宜飭六師往伐殛之乃修我戈
乃整我旅乃奮我謀乃振我武旗纛旄鉞連屬後先
縱金伐鼓震盪山川北出興和直指沙漠虎旅長驅
聲震窮朔進抵其巢索虜震驚百萬之衆如雷如霆
如熊如羆莫不齊奮電掣飈馳川嶽變眩天戈所指
孰有不摧旣殲其衆亦殞其魁邊彼大酋剪其遺孽
投石糜穀振枯墮葉陰山瀚海所向無堅順附則全

遠迓則鎮旣剗旣除旣獮群醜盪剔腥羶踈遠斥
旋師飲馬撫納降胡綏之懷之其來寒塗凱入居庸
萬民呼抃鐃吹高喧懽騰交旬邊塵絕息
皇心攸寧飲至策勛賞賚兼行爾侯爾伯錫爵進秩
爾將爾吏咸加優恤

皇曰汝士惟汝予功嗟汝勞瘁其休汝躬無功不酬
無勞不錄九在于行悉蒙優渥群方九有同仰
大明無小無大各遂生成乾端坤倪清夷軒豁異域
殊邦悉從包括
聖功旣遠

聖德益昭霽澤旁施上齊軒堯選賢任能置在左右
同享太平以期永久三邊靜謐烽燧不傳於

皇聖世惟億萬年

平逆頌

天順辛巳秋虜酋孛來擁衆寇迤西

上命懷寧伯鎰帥師禦之而以兵部尚書昂節制其

軍先是昭武伯欽及其黨以靖難功權傾中外

上稍裁抑之遂蓄異圖時七月二日出師欽約其兄

都督鐸從允都督鐸弟都指揮鉉謀入內爲亂推其

黨之黠者爲謀主而以其部所典禁兵及其仲父宦

者吉祥爲內援并結番將都督伯顏也先等數十人

以樹黨是日都指揮完者禿亮詣長安門告變夜二

鼓

官中聞變詔侍直中官執吉祥以俟天曙漏下四鼓

舉兵犯闕合番漢人五百騎直抵

禁門雷鼓大振搥殺錦衣指揮逮梟擊翰林院學士

賢傷首并執吏部尚書翔於東朝房邸鐸帥數騎而

西殺左都御史深東傷廣寧伯安時禁門未啓欽督

其黨縱火焚東西皇城門及東華門朝臣悸散莫知

所出達曉王師始集

詔會昌伯繼宗將之鏜督軍先登恭順侯瑾及諸將
臣分道逆擊昂以精兵殿之首尾聯絡及諸將旗鼓
相望欽退屯東華門鏜以衆接戰王師銳甚振策賊
衆披靡自辰至午敗鏜斬之東流矢創甚振策以馳
適瑾將近六騎出覘卒與欽遇衆寡不敵力戰死之
還駐東大市街相拒至酉鉉以百餘騎往來馳突者
三師環結不動自相枕籍鏜令執潰者斬以徇責戰
益急發神臂弓射之追斬鉉欽益懼使百餘騎還朝
陽門不克諸軍進薄其衆大破之鐸爲亂兵所殺欽
入其家溺井中其黨伯顏也先等縋城以遁遣兵追
之皆被獲是晚

乘輿出御牛門朝百官詔下吉祥及伯顏也先等於
御史獄皆伏誅仍以鐸棄市而磔欽屍籍其家以資
將士餘黨並落職流嶺南旌死節功追封瑾梁國公
謚忠壯贈深少保謚忠愍論功行賞加繼宗太保兼
太子太傅賢勳昂並以本官兼太子太保鏜賜爵徹
侯而進完者禿亮爲都督餘將士加官進爵有差明

目下首領不棄上命尚書必實亦必具奏

詔暴罪於中外於戲不測之虞起於一旦若此伏惟
皇上聖德神武荷

天地廟社之休不旋踵而醜類殄滅

宮闕肅清稽古考經宜有紀述臣誠不佞謹撰平逆頌一首雖不敢上備尚書故實亦少見愛

君尊王不能自己之誠于萬一云爾煌煌大明五葉嗣承爰及我石肅奉天中既循既攘內外時有孽其間欲梗予化蠢茲吉祥實繼寺人中懷孔茲曹騰之孫假子曰欽開國昭武手提禁兵孰敢于侮後惡其驕曰爾未耑欽乃蓄異萃彼逃遁中構吉祥以逞無賴以効阿瞞而力弗逮孟秋既翔熒惑在熒伺間而舉厥聲喧喧燔我闕門戕我

朝士蹂血東西金吾御史惟相惟將臣賢臣安如唐衡度被散被殘飛變夜間

石赫斯怒曰爾繼宗元舅元輔往暨爾鏗用整厥師爾瑾先驅爾昂殿之靖此狡童惟爾之績賞弗爾惜衆奮其武如熊如能大旗翻翻礮聲震恐賊鋒始交逆陣而閃瑾喪其元人自其勇再鼓以進群醜遂奔乃醢乃俘奏功轅門爾技斯窮如醉罔省及走厥家授首于井鴟徒獍隊不日成禽天開日舒肯銷沴沉后御午門告爾大衆罔治脅從無怖無恐吉祥就磔欽首懸竿稿街聞之都人快覩乃瀦其君乃殄厥世

爾 姍投并四裔籍錄所入有帛有金爰犒我士

凱歌謳吟恤忠褒功后有賞公朕無忘言

明詔公侯公孤有券有誥群臣稽首我

后未貞大熟既平聖武乃成我

祖考之祐允顛

聖德巍巍難名告功萬世敢揚頌聲

騶虞頌有序

楊士奇

洪惟 皇上以仁聖受

天命嗣大寶為天下生民主一用堯舜禹湯文武之

道教之治之既肇建北京迺未樂七年

車駕巡幸遣使者行郡縣存問高年谷求賢德及繁

民所疾苦明黜陟之政明年遂率六師平胡寇除邊

患是年

車駕還京師又明年麒麟出定州人皆以為

皇上肇建北京仁恩廣被之所致也十一年二月復

巡幸焉遣使郡縣如前制五月騶虞見濟寧州曹縣

車駕所經之地人益以為

聖仁之應臣謹按載籍騶虞仁獸也帝王有至仁之

德則見先是未樂二年騶虞見鈞州至是再見天隆

三年

聖仁駢答靈貺宗社生民萬年太平之瑞也謹撰騶
虞頌一篇上進頌曰昔禪爽二禔也帝王自至以之
洪惟

聖皇撫御萬國神威而時正民熙莫不齊寧州曹維
聖皇至仁與天合德夫哉巍巍文治武功天下歸仁
如川趨東迺從民志迺循聖經考卜維玉肇建二京
翼翼北京表裏山河鳳翥龍翔拱衛鬱盤岱宗左倚
太行右峙瀛海東環沃壤千里土厚水甘天府之國
北及崇高四方之極紫微端門玉闕金城寶鼎又
聖皇巡狩六龍時乘未樂癸巳仲春令月下詔省方

吉日旣輒翠華揚和物鸞鑣鶴六師沈沈萬乘啓行
道淮歷徐經濟涉海曾撫耄咨賢咸暨黎庶覃霽德恩
甘雨麗日下被萬物光潤充悅如游春臺熙熙陶陶
至和召祥聿見于曹皓質玄文虎軀貌首踐不生芻
根性仁厚是爲騶虞聖仁之徵曷其于曹乘輿所經
臣民耆老進獻

彤陛歡呼拜跼時巡之瑞時巡之瑞豈惟騶虞燁燁
祥麟肇先發之騶虞呈瑞豈獨東魯肇先發之鈞州
之野惟

皇仁聖天下蒙慶靈祥駢臻丕顯

天命聖天不崇靈寶新編卷之四
皇圖隆安

聖壽齊天四海又寧千萬億年東魯聖君發之益他

瑞雪頌有序

臣聞天之生人也必命仁聖為之君主使助天之所
不及君之代天理人也必體天心使之各得遂其生
君順事乎天天弗違於君而福降焉昔者堯舜禹湯

文武暨我不好萬壽長國京師

太祖

太宗

仁宗三聖之為君也皆以仁民為得天之本欽惟

皇帝陛下躬膺

天命嗣

祖宗大位惟天之心與堯舜以來數聖人之道是存

是用德音數下惠澤弘敷撫億兆恤困窮蠲負連華

貪弊任老成明政紀簡拔賢俊布列中外親選郡守

咸賜

鑿書而遣之皆所以為安民也於是天下晏然邊

鄙無事兵甲不用歲屢豐稔流徙悉歸太平之世也

然心此

聖心恤民恒勤夙夜猶慮其有饑寒之患未嘗忘焉
宣德庚戌之冬天氣融和迨十二月尚未有雪間
視朝之暇顧侍臣歎曰將如來歲農事何是月巳卯
之夕大雪遠邇彌積翊日

上御奉天門即如
天顏愉懌親製喜雪之歌灑寶翰以賜群臣又命光
祿宗大夫
賜宴群臣拜賜懽感萬萬善前歲之冬亦少雪

上以爲慮立春後數日雪乃大降

上喜嘗親製喜雪之時其感四方大稔故至是而來

歲豐稔之兆皆信其必在月徵矣太平之瑞何以加此
臣忝侍近目睹

皇上愛民得天之應無任忻躍敬撰瑞雪頌一篇五
章章九句謹錄

上進伏惟

聖覽焉其詞曰維天地之德生民爲大爰簡

聖明付厥覆載付之惟何俾育俾治肆三五肇興篤
仁與義式儀來世右一惟

皇太祖太宗仁考咸膺天命撫有億兆維天德之肖
維仁象允蹈維民是保澤涵四海被于八表右二維

皇至仁以龍麟凡異科聖德四感如十八夫本之
上帝是崇宗示示天命無不身兆維天命以宜
祖考是恭下矜于瘝痾夙夜敬在躬

帝鑒淵衷凡欲罔不從泰和洋洋萬邦屢豐右維
歲上章維月季冬天此之盛主凡為大矣簡

皇豫恤農功勞心忡忡吉日巳卯雨雪其濛率土其
司兆我年豐民庸歌泃泃右四維

皇聖誠維上帝降祥用溥生成兆民永寧四海永清
皇壽萬億齡如日之升小臣賡歌用揚頌聲右五

瑞應麒麟頌有序

宣德八年閏八月西南海外諸番國或其王親行或
遣子弟或遣大酋泛海越數十萬里而來朝貢麒麟
御象珠玉玕貝奇異之品用達誠意麒麟凡四而出
非一所其言曰蠻夷之人邈處海外瞻仰中國如天
之上比十數年來海波無虞山島所聚種作蕃阜民
咸安適聞之長老言此太平之象也必有

聖人奉

天命主中復施仁布義肆延被我遐裔已而祥麟出
焉長老又言是上天所生以為中國
聖人瑞者其往獻焉敢祇以獻遂頌伏呼萬歲於時

群臣百職以及陛衛虎賁萬衆懽覩舞蹈稱賀臣聞自古帝王受天命有天下者能體天之心用天之道以稱天之付畀天必悅鑒而昭荅靈貺歷考伏羲神農黃帝堯舜禹湯文武數聖人其效可見已恭惟

皇帝陛下以大聖之德躬膺天命嗣

祖宗之大寶臨御以來一以至仁覆燾天下旰食宵衣圖惟康濟無間遠邇撫綏一心是以凡天地所覆載日月所照臨之處靡不歸誠向化朝覲貢獻日聚闕下四境清寧纖塵不作此皆

陛下聖德之得人心者也夫得人心者得天心之本也是以連歲四方上奏嘉禾秀麥豐年之禎上而星文之祥下而物產之瑞駢越疊臻不可數計雖間者霑雨稍稽而

聖心惓惓以恤民爲祈天之實弘敷德音覃布仁澤

輿書所至抃舞載道甘霖隨降田穀以豐此陛下聖德之得天心者也亦豈必麟見而後始驗於今日哉然麟仁獸也四靈之首王者至仁則出出則天下平非若其他禎祥之比今茲之出實以彰上天

嘉祐

聖德之無遠弗届也臣士奇叨在侍近睹茲嘉祥倍

萬祈懌謹撰瑞應麒麟頌一篇上進伏惟電覽焉頌

曰

天眷下民爰命仁聖俾育其生俾復其性惟

皇奉天允篤於下爰育爰訓孜孜夙夜日時兆庶咸
予赤子仁之所施權輿于邇薄海內外爰間爰限如
浸之潤由邇漸遠惟

皇聖仁顓顓一心曰天付予予罔弗欽茫茫九有仁
浹義孚生息有遂蹈履弗渝既富既穀亦泰以嬉仰
足于公俯給于私三光昭明五緯順軌四序調均百
祥譁譁爰暨四方達于八紘民物康寧物用阜盈乃

有靈祥麇身牛尾圓蹄肉脚崇丈又二音中律呂步
中矩規粲粲其文循循其像厥名曰麟四靈之首見
于夷邦夷其敢有曰天生之實瑞
天王我惟祗獻用告嘉祥乃蹈鯨波乃造龍墀金門
含耀紫殿騰輝在廷文武舞蹈愉懌惟天降祥允昭
皇仁六合一春表仁之祥孰大於麟來自遐邦昭德
覃布踰三倍二與時合數天鑒在上丕顯嘉徵
皇仁在御丕隆治平簡冊有紀播示無極臣等有頌
洋洋川溢臣叨禁近陳詩稽首惟
皇萬年惟

皇萬壽

贊

皇太師韓國公畫像贊

堂堂韓國秉國之鈞鴻業以定經費以盈群賢以集

百度以貞四夷以服品物以亨公初無作孰得而名

天實生之光輔大明天下之士睹其儀刑想其風采

不謀同聲曰漢蕭何唐之玄齡功成而退不伐不矜

赤衣朱舄安享尊榮蒼顏白髮時遊大廷其德日新

其福日增

天子萬壽共享太平

宗忠簡公畫像贊

公之力足以旋乾而轉坤公之才足以攘夷而安夏

始以一言能返北旆而南還後以二十四疏不能回

南轅而北駕且留輪之任方切而巧言遽入於帝聰

度河之志未酬而大星已殞於中夜何人之於公則

知媚嫉而天之於公則不知假借此有志之士百世

之下所以想英風而激昂拜遺像而悲吒也

箴

磨堯堅箴

昔李侍郎敦立嘗揭磨堯堅三字於坐隅磨堯堅者

古之慎言人也其善於自防者哉爲著箴曰與聖者
磨堯堅慎勿言口爲禍門昔人之云磨堯堅人各有
心山高海深磨堯堅高不知極深不可測磨堯堅言
出諸口禍隨其後磨堯堅鍾鼓之聲因扣而鳴磨堯
堅不扣而鳴必駭衆聽磨堯堅唯口之則守之以默
守之以默是曰玄德磨堯堅磨堯堅慎勿言

官箴上

劉基

維天生民儷儷虫虫有欲用制迺迺錫爰立之君
載作之師式養式教毋汨秉彜嗟爾司牧代君撫綏
君祿我食君令我施邦本弗固庶事成隳受寄匪轄

敢不肅祇治民奚先字之以慈有頑弗迪警之以威
振惰獎勤拯艱息疲疾病顛連我扶我持禁暴戢姦
損羸益虧如農植苗蚤夜孜孜勞疏旱漑無容稗秕
如良執輿順以導之無俾旋溥疆策以馳慈匪子愛
帝命溥時威匪予憎國有恒規弱不可陵愚不可欺
剛不可畏媚不可隨無取我便寘人于危無避我謗
見義不爲天鑒孔昭民各有思惠之斯懷推之乃離
譽不可驕器惡滿歌謗不可怒退省吾私人有恒言
視民如兒無反厥好以暴予知是用作箴敢告執羈

官箴中

在昔隆古分封國都付之以民俾養勿瘠上下協心
各保乃區明庶考績昭哉範模秦廢聖制代德以狙
刀筆之權始歸吏胥弄法舞文龔癡瞽愚流波至今
一任簿書行立公庭如鴈如鳧我欲是求我利是趨
摩揣官情以逞覬覦官惟好貨我甘以苴官惟好名
我逢以諛官惟畏嫌我疑以汙官惟好情我淫以娛
官惟好猜惑以多途官惟好威道以掎搆語默有爲
俯仰有須覘容察辭助忿乘愉法度盈口奸邪滿軀
蠱智迷昧欺庸陷迂俾奸作惡以紫爲朱未獲官心
嫗嫗儒儒亦旣獲止如登天衢傲兀民士憑凌里閭

惡積禍來官與之俱人有恒言遇吏如怒堅防固隄
猶恐或窺矧曰聽之百姓何辜是用作箴敢告僕夫
兼大官箴下
無謂余明人莫能昧離婁善察不識其背無謂予能
人莫敢欺校人烹魚子產弗知立事惟公燭詐惟誠
小節勿固小慧勿行無矜我廉守所當爲無沾我名
以生衆疑何以簡訟決之使通何以弭貪慎檢乃躬
去讒斥佞遠吏近民待人以寬律已以勤無咎人弗
信愧至斯乎無患人不聞惟德不孤德以進善威以
挫姦德不可偏威不可煩無謂彼富我必拯之無謂

彼貧我必直之持心如衡以理爲平無爲避嫌以縱
無情人有恒言爲臣不易是用作箴敢告有位

却兼味箴

昔范文正公至晚必思平日所爲事與所奉者直則
瞑目鼾睡或有不及必竟夕踈踏不寧其自持之功
若此故能成其德業心切慕之而未能効也且慮歲
月迅邁志氣無成而悔充日益以至故凡於食頃遇
兼味務峻却之此雖非古人之所用心亦庶乎節忍
之一端因箴以自警

人身之奉惟適於中侈約得宜何儉何豐萬錢下筋

三韭自給於已無裨於道無益行或不減與物無異
取物以奉是食其類宜受其養矯情飾德棄禮弗居
是曰逆天我心思之彼此交媿志業未就奚補於世
念茲遺體弗養或傷養而失中天必我殃故凡食頃
却其兼味以節五慾以安吾義且懼怠懈厥德不疑
庸述斯箴以爲心銘

銘

忠孝堂銘

國家之興必有豪傑卓越之才達乎忠孝之大節者
以翼昌運續世功然後能享高爵重祿以傳于子孫

而延之久遠若太師英國張公其人也公之尊府河
間忠武王普事

太宗皇帝于潛邸掌護衛兵其姿度雄爽知略超邁
而武勇絕人最爲上所親任及靖難兵起

上每授以成筭戰勝攻取無難者諸將皆敬讓之時
公亦提兵從王王嘗語公曰吾受

上恩思輔成大業以保報殊遇爾當勦力一心庶幾
如吾志古人以事君不忠涖官不敬戰陳無勇爲非

孝爾能盡忠乃所以爲孝也公頓首受教獎率所部
摧鋒陷陣所向有功未幾王薨

太宗皇帝素奇公召而慰勉之俾以其兵自效目爾
毋忘爾父之志公感

上之德與先王之教益自奮勵卒成大勳凡業亦
上有所命南征北伐無不盡其心奇略備績載之信

史功名富貴無出其右者迨事直聞之忠孝臣子之
四聖小心寅畏前後四十年如一日公旣受顯爵位

師臣王亦膺隆命配享太廟此忠孝之報也暨修
先朝實錄公再爲監修今

上皇帝緝熙聖學公實知經筵事敬恭朝夕從容進

退寧乎儒者氣象嘗謂直曰先王以忠孝爲訓吾既
奉以周旋不敢失墜雖幸而有立然今老矣惟

列聖之大德不敢忘於心而亦敢忘先王之舊訓乎
因揭以名堂將終勉之且使吾子孫登斯堂者亦思
所以繼吾志日夜勉焉盡心於其職庶無負於
國而亦不辱其先子宜爲我銘直聞之忠孝臣子之
大節天理之當然也誠能盡其道則必享福祿之榮
而子孫保之昔者召穆公能嗣其祖康公之業有功
於周宣王錫之圭瓚鉅鬯以祀其先祖又錫之山川
土田以傳其子孫詩人歌之至今誦焉公嗣先王勳

列著於

國家顯榮褒大實有累朝之錫命誠無讓於穆公而
尤惓惓以忠孝自勉且以勉其後之人

國家有億萬年之慶張氏之福亦豈有窮哉乃爲之
銘曰

天生斯民賦厥衷爲子必孝爲臣忠惟師英公德兼
崇卓立宛有前賢風桓桓先王才且雄捧

日直上扶桑東奄然馭氣超鴻濛祇率遺訓績武功
披雲卷霧開胸蒙九霄奮躍攀飛龍宜威靈翳靡不

通明明

列聖眷遇隆仁漸義洽恩豐彤紀勳旂常銘昇鍾王
亦顯祀升闕宮周家召虎庶其同孜孜夙夜懷謙冲
揭以銘堂圖始終最爾後嗣躡今蹤事君奉先益致
恭國家萬年福無窮

天書玉兔泉銘

并序

劉基

自古有以勢軋天下箝人口使畏已者鮮不由細微
以及大此姦人之素能也故高之馬莽之祥瑞惟其
言而莫之違然後大詐行而大欲得矣秦檜之事宋
高宗也以岳將軍之武之忠且排搆之殺其身以及
其子反以爲功而宋之君臣莫不從其指則亦何求

而不得哉王兔之泉以清美爲建業城中第一豈其
顯而今堙者檜實知之耶或有善察土脉工穿井之
術者密以語檜而神之以白兔耶則皆不可知也夫
檜之罔民設詐豈下於高莽哉白兔之是非無關天
下之大事是故賢人君子忽之而莫與較於是乎鄙
夫諂子遂探其意而夸之以爲倭是蓋不足辯也金
華張孟兼憫泉之芳潔爲姦人所汙而銘以雪其寃
愛物之良心也予亦悲之爲之作後玉兔泉銘銘曰
嗚呼泉乎夫何辜爲檜所汙世無英隱之孰昭其誣
嗚呼泉乎尼父大聖猶言其主瘠環與癰疽白兔之

傳夫何傷於爾歟檜死為蛆泉潔且如我作銘詩衆
 惑斯徒嗚呼泉乎終古弗渝世無英賢之類其
 靈心也乎亦悲之語也於銘王泉泉銘曰
 奉親孟兼附泉之喪嗚呼泉人何子而能以書其
 夫前志也其音而卒之以為刻也蓋不與韓少金
 市之大事且好賢人君子之風其與海沙異乎
 節之用與好者其示於高恭其於自泉及受我無
 識者客以語餘而感之及自泉而後其不可
 皇明文選卷之二

皇明文選卷之二

述

翰墨林七更有序

金寔曰美

翰墨林者未嘉謝君廷循圖書之府也君以和粹謹
 飭被眷遇得美名於縉紳間籍甚性嗜清玩畜之頗
 富嘗名其齋曰米家船少傳東里楊先生士奇易以
 今名而記之予乃為作七更極其辨以進於道意劣
 辭庸視古之作者固未免有捧心之誚要之發乎情
 止乎禮義庶幾而不差者也
 覺非先生以客闕關心厭喧囂怔忡堙鬱思若無聊

安得絕境於焉消搖滌濯煩襟以未今朝聞未嘉士
人有翰墨之林曳杖在于若履空谷足音足然主人
出速不言心喻眇眇以目升自賓階少叙寒燠主人
曰噫走也是林不資於地匪寄于岑無松之盛非植
之森駢羅圖書錯置瑟瑟幾几萬籤上下古今文房
石玩觸手可尋少安無躁願陳至音於是拂几正席
焚沉蕪蕙緩宮急羽高卑以序巍巍洋洋無不如意
長清短清猗蘭飛佩五曲九引纏纏可繼先生曰美
矣哉太古之聲也然鍾期既亡伯牙絕響箏篋之耳
未能得其悄恍毋勞爾爲也主人曰唐虞至聖子不

得與記物設教啓其聾聵瞽以局必方象地之則以庸
必正神明其德有白有黑曰陰與陽互陳錯舉雲漢
其章防危補罅料敵審已負不可僨勝不可恃兩雄
相值乃見勃敵龍蛇成陣虎豹堅壁雖曰小數有至
理焉無所用心爲之亦賢先生曰君子不操勝心毋
作機事此孤山處士所以鄙之也願聞其他主人曰
書契初成鳥跡茫昧科蚪再變乃有分隸斯邈之下
鍾王軼出唐臨晉帖如蹈一律狂僧顛史草聖入神
蘇黃米蔡各自絕倫真跡間存初刻咸在黠畫使轉
折旋向背明窓淨几日玩心醉誠一快也先生曰儒

者於書固最近事然一好着亦能喪志吾未暇焉主人曰五色作績肇自姚姒後世因之畫事由始晉唐以降好尚蠶起顧吳荆關董郭王李入神造妙區別品第耽嗜成癖千金莫以芳播清流貴動丹袞適情游藝動合玄理宣和纂錄實鑑有史似不可少也先生曰君子寓意於物而不可留意於物此先賢所以恐其泥也敢請大之主人曰陶寫性靈妙在得句物情人境動合天趣模擬之情稍推敲之至畫或忘食宵恒失寐窮極彌工思極愈異神驚鬼泣造物所忌我思古人高不可企先生曰風雅遼闊正聲微茫競趨

靡麗大樸日亡安得擊壤以及渾龐主人曰經緯天地輻輳後先用與政通體隨世遷秦漢雄深齊梁駸駸韓公倡唐衰弊特起歐蘇曾王鳴宋之盛及今賴之矩矱由正今之作者秀出如雲昭回河漢炳耀星辰鈞天合奏鸞鳳和鳴山輝玉蘊淵媚珠呈走將激其芳潤咀其華英寤寐于茲林之下不知歲月之虛盈也若是如何先生曰近之矣而猶未也文以載道匪惟辭工上士聖人吾將子從主人憮然曰命之矣聖人之言世謂之經囊括宇宙含煦生靈未暇細論略陳其名易備陰陽造化以明書言政事治功乃成

感發懲創詩本性情無序不和禮樂猶興春秋撥亂
王法權衡學庸論孟規矩準繩猶如菽粟布帛之征
一息不繼民不得生浮文勝質奚利攸行走將膏吾
車秣吾馬由伊洛以遡洙泗而履吾夫子之庭不知
其不可也先生離席而立降階頰首請先群經旁藝
君後以翰墨林爲道淵數

七述 并序

何仲默

枚乘作七發曹子建作七啓張景陽作七命皆述爲
擬襲予病居客有述遊觀之盛以啓予者凡七事乃
作七述胎簪子爲今人病弗能朝謁脫籍納組買車

以還還而謝姻戚杜慶吊却除塗戶塊焉以居客有
冠危冠服濶領綦履佩玦造門辭曰竊聞子病謝客
客願有以見也胎簪子謝弗見者三客曰竊聞子病
病謝客客有說于子願有以見也於是胎簪子乃敷
文純之席布瑤華之几啓扉以入下榻以俟客望見
曰子何病之深也吾相子之病非有窒于腸胃結於
腠理瘀於血氣而痼於骨髓者也若有伏憂綿綿纏
纏糾纏於心惟思所起子何病之深也夫腸胃血氣
之病可以湯浣醴灑腠理骨髓之病可以鏡石炙熨
皆宜獨攝靜息不可勤擾而子之病病於憂也獨則

愈生靜則愈積絲分縷起將不可止非有效於湯浣
醴灑鏡石炙熨也顧乃堅戶謝客歛聰寂視吾見子
之病日甚也吾聞目不蔽則神暢耳不塞則志廣體
不局則氣伸吾將述遊觀之盛以語子使子目快於
視以暢其神耳快於聽以廣其志體快於動以伸其
氣而子病去矣胎簪子曰辱客枉造請試言之敢敬
服聽

客曰神都天府之國四通五達之關繚以濬塹表以
周原乃有玄居造天崇基冠山周欄連樓曲屋層軒
升高入奧莫知其端飛甍接照迴交䟽迴欄上通中霄
下旋井幹俯觀次鱗仰接飛翰盤紆焉綸網焉翼翼
焉班班焉邈不知其所攀也而又環以百里之危垣
延以千步之脩廊炫以填壁丹楹植以鉅砌雕墻錯
以綸綺雜施玄黃揭層虛而照八埏迷五緯而眩三
光中有玄室煜朱陽兮夏屋寥寥含凄霜兮阿閣崔
巍雕沉香兮榱題逶迤刻沙棠兮輕杉焉栝文杏梁
兮鳳鷲隱起蛟龍驤兮乃御飛櫺升廣堂兮若是者
可謂宮室之盛者也吾與子往遊可乎胎簪子曰吾
聞瓊宮瑤臺夏以焚臨春結綺陳以亡彼萬乘之主
猶不可也而吾處草野編蓬戶以爲安者奚是此遊

也
答曰乃有上都貴人戚里公子迎晨而出及暮乃止
六饌八珍出布千駟車馬雜沓絡如流水爾其襲白
縠服文表陋黑貂而不御輕狐白之莫儔燦三英以
外飾誠五紵之可羞躡飛雲之履被明霞之紉冰蠶
瑩膚藻龍輝降綬以錦帶懸以吳鈞斷犀剗象斬蛟
割虬轆轤流光芙蓉照秋文玉銜英不足比步光懸
璃莫爲酬於是駮騰駕憑華輶施通憶秉修矛舉歲
蕤之飛蓋張連蜷之翠旂蔽羽旄於日表布絲障於
道周馬則驪騮赤驥紫燕青驪漉漉師師駢駢駢駢

踴躍騰驤礧礧權奇雲駿霧鬣電駭烟馳控以寶鞍
纏以金羈銀鞍燿燿綸綉軛生輝乃出黃金擲日壁家
多匿亡門有食客意氣傾人風聲不敵雖秦楚之豪
束手而莫抗而燕趙之英不能比肩而與匹也若是
者可謂服食與馬之盛者也吾與子徃遊可乎胎簪
子曰彼皆崇權貴任豪俠危上以弱下厚積而過享
者也吾布衣藜藿之士奚事此遊也
答曰十三冶容二八曼姬容華眇好豔多姿兩輔善
笑承重頤臆頸豐肉宜細肌長眉連娟曲中規搨腰
擢步隨風移左右盼睇目波施窈窕善戲體迅飛爾

乃結修鬚之差我襲芳澤之烈薰珥明月之步搢服
素霓之續紛垂羅掩縠攢簪合茵明滅織霧綽約繁
雲於是進舞席御歌宮奏大呂扣黃鐘敝鼓播虞按
瑟搥鏞笙竽共逐金石和同衆音繁會殷於層空旣
而停衆樂拂雲和出嫚舞流纖歌歌曰長裙單衫曳
鳴璫吳娃雙歌出洞房不惜緩步升君堂華燈錯兮
夜未央於是醉酣雜坐地帶舒纓投贈詩賦顛倒疊
罌象客出座蘭膏不明美人侍傍逸態橫生乃歌曰
蘭膏滅兮夜已深絳霄微兮白河沉鳴琯促柱兮感
君心知音識節兮君幸臨夫聲伎之妙宜無出此子
將從遊其間乎胎簪子曰吾聞五音令人耳聾五色
令人目瞽非予所願遊也

客曰平原廣野彌望千里馬可陳列車得駢軌於是
遶徒發乘盛張旗幟淬刃礪鋒弦弓鏃矢與卒駿奔
獵師起喜乃其布網周山列罟彌澤蹂塵障天舉燎
燔薄絕流赭崖斂林搜壑逸材之獸健舉之翼莫不
縱橫躡藉揮突放逸聞眩自墮罹網立極灑毛委羽
駭膽慄魄孰能抗巧何以肆力哉由是張鼠則盡獲
繳矢則疊加仰貫雙鳧俯連五爬魚不遺筌兔茂虛
且爾乃仆麒麟下孔鸞肩翡翠躡批豸掩雲鴻繫文

客曰乃有棄情遺世餐氣服道忽超遙以輕舉望玉
京而徑造啓黃庭之玄言登丹鑰之祕誥爾其彤車
翠蓋翳華芝左驂雙龍右兩螭羽裳翩翩垂白蜺金
枝玉節紛歲蕤青鳥先途朱鳳隨齊繫文鼉吹雲箎
赤華爍灼白日移具宮參差開九閨辛夷爲梁桂爲
楣寶幡綴角羽帳垂椒蘭奮逸霧出幃夜宿姮女棲
靈妃被服翠茗拾青離出騰八極參兩儀上下日用
乘風雷千秋萬歲安有期於是彌駕層巔飛舄絕蒼
白雲含輝皓雪奪耀仰攀桂樹載歌以嘯俯瞰濁世
奚異蟲鳥歌曰桂樹兮交加綠滋兮丹葩仰攀兮嘯
歌俯人世兮奈爾何是則神仙方外之盛也吾與子
遊焉胎簪子曰疾迫隘慕遠遊吾所願也然荒芒而
不可徵未暇爲也

客曰有應世之大人秉持仁義服被禮樂其德溫溫
與與其象熙熙噩噩量出海宇志棲寥廓懷先世之
憂抱終身之樂不結駟而貴不萬鍾而豐不戈甲而
威不勲級而功布絮所不能賤糟糠所不能窮非戮
辱之可詘非斗斛之可容於是陳詩書以爲圖發圖
史以爲廬樹節讓爲旌旄饌道德爲膏腴入皇義起
虞唐揜五霸彰三王塞者通潛者揚隱者發晦者光

輻輳風雲經緯陰陽繪若黼黻擘如琳琅出則施聲
教歛遐荒臻盛美流休祥處則韞賈深藏韜曜含光
視葛天爲並世招箕穎而同行是則何如胎簪子灑
然陽氣見于面病若脫而瘳者於是延客上坐設帳
具饁曰果有是人吾將從遊不若鮪而也其亦文甲也

論

夏后氏之郊

祭法曰夏后氏禘黃帝而郊鯀鯀固夏后之父也夏
后之天下受於舜非受於鯀也禹不得以天下私其
父夫鯀以治水績用弗成而舜殛之羽山天下咸服

則鯀天下之罪人也故舜之刑非私刑也天刑也以
天刑封天下之罪人天下之至公也禹既受舜禪而
升其罪人以配天是舜之殛鯀非也夫鯀之殛獲罪
於天天殛之也非舜殛之也奉天討也而以鯀配天
是天之殛鯀亦非也一私其父而逆于舜又逆于天
天其弗享夏后氏之郊矣禹聖人也而敢爲是哉祭
法之言非也然則禹之於鯀也如之何曰廟以祭之
而已矣何必郊

漢高帝

漢高帝既定天下謂群臣曰運籌帷幄之中決勝千

里之外吾不如子房鎮國家撫百姓給餽餉不絕糧道不如蕭何連百萬之衆戰必勝攻必取吾不如韓信三者皆人傑吾能用之此所以取天下也君子曰知人善任使此帝王之略也夫以高帝之雄姿大度而當其任使者又皆天下之才其取天下也固宜矣方其與項籍俱起叛亡逐秦鹿蚌鷓相持者八年高帝之命懸於籍手數矣而籍卒以敗亡者籍專爲暴高帝務爲寬大故也高帝之人咸陽也秋毫無所犯籍至火而屠之暴與寬大異趨如此楚漢興亡於是已決况籍有范增而不能用而高帝則攬一時之英

豪而御之如所謂三傑者比天下之才也而用之各能當其才及其成功且曰吾不如焉是可謂知人善任使有帝王之略矣其得天下不亦宜乎雖然高帝固善知人爲可尚抑所以任使之道則未免持駕御之術以束縛馳驟之蓋有無足多者當韓信爲治粟都尉蕭何數言其奇而高帝故不用殆欲激之使亡爾旣亡而追得之則信以爲必死矣反遽拜之爲大將使其以任遇太重爲過望效死以酬恩不復叛而信遂謂漢遇我厚也此在其術中而不知者也酈食其爲漢謀撓楚欲立六國後高帝非不知六國後不

可立也而以問良是特以嘗其心焉耳蓋良始惟爲
韓報讐又嘗說項梁立韓諸公子橫成君成爲王而
已爲韓司徒而後又自褒中去漢而歸韓高帝恐良
中心爲韓不爲漢故因疑其謀以嘗良豈果不知六
國後不當立哉而子房固且力陳其難以爲不可此
又在其術中而不知者也蕭何與高帝同起事膺專
任守關中漢廷諸臣功無與比盛高帝恐其脫自驕
以取禍故遣卒爲衛又繫之廷尉以抑折之使自謹
守以保令終非誠疑何也設誠疑之則已以待韓彭
者待之矣而何至自汙以求免此又在其術中而不

知者也嗟乎三子者皆人傑然後於高帝術中而皆
不知而高帝既知三子之爲人傑矣乃徒以術御之
不復知有忠信之爲道君臣之際其不俱可惜哉且
吾聞之舜之於十二牧武王之於十臣其君臣之相
與無非忠信之道焉上以誠求下下以誠事上元首
股肱視同一體焉有所謂相持之術哉嗚呼此古帝
王之所以爲盛也高帝非不得天下也然其君臣之
際如此其有媿於古帝王也矣
高帝六年叔孫通徵魯諸生起朝儀魯兩生不肯行
曰今天下初定死者未葬傷者未起又欲起禮樂禮

樂所由起積德百年而後可興也君子曰兩生之所
謂禮樂非禮樂也彼以爲禮樂矣而吾謂非禮樂何
哉彼徒知其文而非其本之謂也記曰禮者天地之
別也樂者天地之和也夫高地下萬物散殊而禮制
行矣流而不息合同而化而樂興焉又曰大禮與天
地同節大樂與天地同和孔子之論以爲禮云禮云
玉帛云乎哉樂云樂云鐘鼓云乎哉孟子之論先之
以仁義而曰禮之實節文斯二者是也樂之實樂斯
二者是也此禮樂之謂也夫禮樂不可斯須去身者
也聖賢治身卽其所以治天下國家者也以其不可

斯須廢者而必俟乎百年亦何其迂之甚也是故無
本不立無文不行其可損益因革者文也故忠變爲
質質變而文繼文者不能保其不變也夏變而濩濩
變而武繼武者亦不能保其不變也此皆文之謂也
至論其本則古今一而已矣孔子所謂百世可知者
也吾故曰兩生之所謂禮樂非禮樂也禮樂之文而
非其本之謂也自兩生創是說而漢儒悉宗之終漢
之世禮樂之說紛如而其大槩則孟朔也服色也辟
雍也井田也封建也雅樂也是皆帝王經制之具而
掃滅於暴秦者有王者作固當修而明之然漢之賢

君莫如孝文漢興至是已及百年禮樂之興維其時
矣而賈生請改正朔易服色定官名興禮樂則謙讓
以爲未遑惟以德化故民海內安寧煙火萬里成康
以後稱治者莫加焉至武帝而改正朔矣議明堂矣
至成帝議立辟雍未作而王莽作之矣至哀帝而詔
定雅樂罷淫聲矣此三君者其於致治何如也自漢
以來千數百年之間有爲之君臣於斯數者未嘗不
講明之其說易通而易行者正朔服色也言人人殊
而或行或不及行者明堂辟雍雅樂也其雖多而終
不可行者封建井田也夫其可行者因之不可行者
革之而皆足以爲一代之治則其爲禮樂之文而非
其本也明矣禮樂之文無與於治道也明矣蓋高祖
以馬上得天下而輕詩書叔孫通鄙儒也因拔劍擊
柱之事將肅朝儀以止喧嘩乃進儒者可與守成之
說夫肅朝儀以綿葛從事其事至末也而通以爲儒
者守成之事兩生以爲興禮樂之事嗟乎儒之爲儒
禮樂之爲禮樂止是而已乎至隋文中子講道河汾
謂其徒魏徵房杜曰先輩雖聰明特達然逢明主必
愧禮樂及聞江都之變曰道廢久矣如有王者出三
十年而後禮樂可稱也十年平之十年富之十年和

之斯成矣其後唐太宗與房杜論興禮樂曰禮壞樂崩朕甚愍之有志不就古人所悲時難得而易失朕所以遑遑也徵與房杜皆慚悚而退是數公者可謂興王之良佐而明於古今之治體矣雖未嘗以改法立制自任至論其輔佐之實則房杜之彌縫魏之諫諍皆人臣之所難為在其媿禮樂也是故以征伐取天下者莫如湯武湯造邦之初誥其臣下曰無從匪彝無即愒淫各守爾典以承天休此禮也攸祖之民室家相慶此樂也武下車之初列爵惟五分上淮三建官惟賢位事惟能此禮也大賚于四海而萬姓悅

服此樂也然則革命不崇朝而禮樂行乎其間亦為待於三十年之久乎故吾以謂兩生之所謂百年文由子之所謂三十年皆徒論禮樂之文而非達其本者也嗟乎兩生不足道也文中子動以聖人自儼而立論若是幾何而不為叔孫通也哉

高帝呂后論
 或者謂高帝寬仁愛人乃獨於呂后以色衰而弛愛夫託交貧賤起身艱苦一旦富貴之余乃踈棄之獨不念前日楚軍之間道哉高帝無乃少恩也梁子曰不然夫高帝之知人何如其明也與呂后處者幾年

矣后之爲人獨不知之邪彼固一婦人也而其雄猜
傑黠有猛士之肝腸高帝於是乎有以知吕后之心
矣夫畜老人猶憚果殺謂國家之勲臣取而族滅之
無遺噍類若置中兔然未嘗有難色后也何其忍人
哉夫殺諸將非高帝之心也后也蒯徹教信以反貫
高反形已具高帝猶釋之而肯果於殺韓彭邪韓彭
雖夷滅而昔日感遇之際士爲知己死者英態豪氣
猶在目睫間也高帝中夜思之豈不文動心哉吕后
是可忍也孰不可忍也高帝所以薄吕后者不能形
於言而痛在其中矣不然盧縮舊其里閉恩獨不滅
乃謂至親而獨少恩哉夫觀人者不於其所厚而於
其所薄高帝於其所薄者如此矣豈得薄其所厚哉
吕布忍於韓彭者如此矣豈得厚於劉氏哉豺狼得
嗜則喋血搖尾以恣饕苟無所得則爪膚羶毳以致
猛諸將已盡其禍尋及劉氏矣故殺韓彭而諸將懼
族諸將而劉氏懼高帝亦豈與陳平謀及此哉聞樊
噲黨吕氏立命斬之用平之謀高帝至是非特爲劉
氏憂宜且爲平勃憂也高帝目纔填肉猶未寒后也
魯無一髮之感卽謀族殺諸將今日鴆如意明日斷
戚姬今日鴆齊王肥明日殺趙王友志於無所忌憚

立他人子爲帝又殺之立焉忍人哉后也無至此極也當是時漢已亡矣吁高帝豈不知毒流至此哉說者謂良平之教高帝徃徃忍小以就大晉獻之驪姬秦皇之扶蘇高帝審之久矣然獨恨高帝之明有所未盡者焉然其近而懲其遠商於前而正家之約昧於後於是拳拳然屬周勃以安劉置韓昌以重趙所謂滔天之勢已成乃欲以一手障之吁何益哉以姪

丙吉

丙吉

丙吉

丙吉

丙吉

君子之於天下盡人事而後徵天道天道至微而難知也人事至著而易爲也捨易爲而求難知則爲不知先其微而後其著則失序堯舜禹益相告戒之辭詳矣傳道則曰執中用人則曰九德治民則曰六府三事至論天道則曆象授時之外未嘗有片言焉三聖賢之於天道豈有所未達哉棄所宜爲而求之恍惚詭誕之域者固聖賢之所不取也宰相之職上有以格君下有以足民使賢才列乎位教化行乎時風俗美於天下倫理正而禮樂興中國尊而夷狄服有生之倫各遂其性而無乖戾鬪爭則可爲盡職矣不必漆漆然探其所難知以爲觀美也能盡其職雖日月失明寒暑不節無害其爲治職有未盡使天地位

而萬物育亦安所益於民乎漢史稱丙吉不問死傷
而詰牛喘以爲知大體此非君子之言民不知道至
於相殺害於都市之內政教不振而俗隳壞其爲變
亦甚矣豈非宰相所當憂乎舍此不問而恐陰陽不
和何其迂且妄也茅路問事鬼神子曰未能事人焉
能事鬼不先盡事人之道而事鬼且不可况不務人
物之性而徵不易知之天道烏在其能爲相乎且宣
帝時俗之弊非特相殺傷而已一歲中子弟弑父兄
妻妾弑其夫者二百二十餘人幾不可以爲國吉不
能佐其主以仁義使革風易俗階斯民於禽獸而惟
一牛之問謂之知所緩急不可也漢儒之學泥於術
數而不知道其流至於蔽而不通愚而不信雖可稱
如吉者猶溺焉而不以爲異况不足稱者乎天下猶
人身然風俗血氣也災祥肥瘠也戕刺其體膚而不
問見瘡者而問之人必以爲惑矣察於細而忽於巨
忽莫大焉而以爲知大體可乎然則洪範之說皆不
足信歟非然也庶徵九疇之一也必以人事爲之本
盡人事而後徵天道者吾之所知也信災祥而遺人
事者漢儒之謬洪範之蠹也非君子之道也

東漢

方希古

天下之患固不可逆料而預防之也吾計禁乎此後世之患出乎彼吾謀杜其西後世之患生乎東禍亂之端神藏而鬼伏常發於人所不疑之地而起於世所倚賴之人雖知者何由而盡備哉然古人善慮國家者每事揆其始而考其終喜其成而憂其敗四海之事千載之業綜包參覈於吾之胸中而定他日爲患之大小緩急推其得失而爲之備使禍害之發不至於亂亡則庶乎可以盡吾心焉耳固非迷塞消沮能使之久而無患也武王周公之初定天下其心豈不知封建之弊必至於并吞削弱而不振也哉然恐

兄六人

久身

易此道而更爲異法亦必若封建之可以安且久也故且勉而爲此使治之有道者可以無亂失其道者亦不亟至於亡不敢過爲矯激難守之法以爲將來患也乘舟而渡水時有覆溺者人終不以一溺而廢舟駕馬行遠或有躓跌之小人終不以一跌而不駕在乎補其罅漏不完之處習其馳騁疾徐之節使慎之而已前漢王莽之篡在元成失道上無明主下無正臣故莽得恃太后之勢而行篡竊之計是以三公輔相委任之權大重而然也光武過懲其故而力矯之不任三公以事而政歸于臺閣其後遂成宦寺

之禍而漢以此亡光武以爲莽之得成其篡者權太重耳今吾奪其柄則其害可除矣孰知宦寺之禍反有甚於輔相者乎此不孰究其大小緩急之故也夫莽之篡以母后臨朝外戚預政而致然豈委任太專之罪哉光武能著爲令典藏之宗廟俾後嗣有幼君在位當選厚德大賢之士爲三公以輔之而不許母后外戚臨朝預政則其害可以自息矣不此之思而惟罷三公之制宦寺之興始於此矣蓋宦寺恒以傳聞之命受襁褓之寄而妄作威福苟外有良輔以持其柄內無母后爲之依雖曹節王甫充盈乎宮闈亦何患哉可慮者不疑輔相末路之弊也遂使三公之位皆以賂遺宦者而得雖欲免乎亡亦難矣三公之位古所謂共天職治天民者也苟擇當世之賢才而置諸位撫手而責其成功可也專橫之禍何自而致哉事變亦重矣然必察之以六王明推之以三公處之以至當徇斯須之細故而輕於變更惜哉光武之銳於求治而未達乎大體也

釋統上

仁義而王道德而治者三代也智力而取法術而守者漢唐宋也強致而暴失之者秦隋也篡弒以得之

無術以守之而子孫受其禍者晉也其取之也同而
身爲天下戮者王莽也苟以全有天下號令行乎海
內者爲正統邪則此皆其人矣然則湯武之與秦隋
可得而班乎漢唐之與王莽可得而竝乎莽之不齒
乎正統又矣以其篡也而晉亦篡也後之得天下而
異乎晉者寡矣而獨黜莽何也謂其無成而受誅也
使光武不興而莽之子孫襲其位則亦將與之乎抑
黜之乎昔之君子未嘗黜晉也其意以爲後人行天
子之禮者數百年勢固不得而黜之推斯意也則莽
可不誅論正統者亦將與之矣嗚呼何其戾也正統

之說何爲而然邪苟以其全有天下故以是名加之
則彼固有天下矣何必加以是名也苟欲假此以寓
褒貶正大分申君臣之義明仁暴之別內夏外夷扶
天理而誅人僞則不宜無辨而猥加之以是名使聖
智夷乎暴桀順人者等乎逆弑也僥倖而得天下者
雖其勢力之強無所爲而不成然其心私計而深念
未嘗不畏後世之公議天下之大法以爲萬世勸戒
能探其邪正逆順之實以明其是非而槩以正統加
諸有天下之人不亦長僥倖者之惡而爲聖君賢主
之羞乎適事機之會庸材小人皆可以得志處非其

地用非其時聖君賢主亦不足以成治功古之能統
一字內而動不以正者多矣秦隋其尤也動不以正
而以正統稱之使文武周公而有知其不羞與之同
此名乎故謂周秦漢晉隋唐宋均爲正統猶謂孔子
墨翟莊周李斯孟軻楊雄俱爲聖人而傳道統也其
孰以爲可非聖人而謂之聖人人皆知其不然不可
爲正統而加之以正統之號則安之而不知其不可
是尚可以建之萬世而無弊乎名者聖人之所慎也
季子然以冉求仲由爲大臣孔子忿然爭之若二子
之才魯之諸臣莫及也苟爲大臣未見其爲過而孔
子慎而不許蓋才如仲由冉求而以爲大臣則伊尹
周公將曷以名之乎伊尹周公大臣也則二子非其
類矣故曰可謂具臣矣以秦隋而方乎周豈直若二
子之與伊尹周公哉使孔子而出其不混而稱之也
決矣蓋必有其道焉而不可知嘗試論之曰天下有
正統一變統三三代正統也如漢如唐如宋雖不敢
幾乎三代然其主皆有恤民之心則亦聖人之徒也
附之以正統亦孔子與齊桓仁管仲之意歟奚爲變
統取之不以正如晉宋齊梁之君使全有天下亦不
可爲正矣守之不以仁義戕虐乎生民如秦與隋使

傳數百年亦不可爲正矣夷狄而僭中國女后而據
天位治如符堅才如武氏亦不可繼統矣二統立而
勸戒之道明僥倖者其有所懼乎此非孔子之言也
蓋竊取孔子之意也

○釋統中

正統之說立而後人君之位尊變統之名立而後正
統之說明舉有天下者皆謂之正統則人將以正統
可智力得而不務修德矣其弊至於使人驕肆而不
知戒舉三代而下皆不謂之正統則人將以正統非
後世所能及而不勉於爲善矣其弊至於使人懈怠
而無所勸其有天下同也惟其或歸諸正統或歸諸
變統而不可必得故賢主有所勸而奸雄暴君不敢
萌凌上虐民之心朱子綱目之作所以誅暴止亂於
前而爲萬世法也立一法而不足盡天下之情僞則
小人將馳騫乎法之外而竊笑吾法之踈是孰若無
法之愈乎故正統以處其常而參之以變統然後其
變可得而盡也朱子之意曰周秦漢晉隋唐皆全有
天下矣固不得不與之以正統苟如是則仁者徒仁
而暴者徒暴以正爲正又以非正爲正也而可乎吾
之說則不然所貴乎爲君者豈謂其有天下哉以其

建道德之中立仁義之極操政教之原有以過乎天下也有以過乎天下斯可以爲正統不然非其所據而據之是則變也以變爲正奚若以變爲變之美乎故周也漢也唐也宋也如朱子之意則可也秦也隋也女后也夷狄也不謂之變何可哉正統則處之以天子之制變統則不得並焉正統之君非吾貴之也變統之君非吾賤之也賢者得民心得民心民斯尊之矣民尊之則天與之矣安得不貴之乎非其類無其德民必惡之當時惡之後世以其位而尊之則違乎天矣故不得不賤之也貴不特於其身而又延及

於子孫雖甚愚不肖苟未至於亡國猶尊之以正統之禮賤不特於其身而其子孫雖有賢知之才亦不能揜其惡夫如是而後褒貶明夫如是而後勸戒著夫如是而後正統尊奸邪息夷狄懼

釋統下

臨曰釋統下其言曰信曰珍曰必誠惠曰慈曰大誠

夫所謂變統之制者何也異於天子之禮也彼生以天子養沒以天子葬儼然帝中國而臣四夷天下莫與敵大矣曷爲而異其禮蓋其所可致者勢也不可僭乎後世者義也勢行於一時義定於後世義之所往臣不敢私愛於君子不敢私尊於父大中至正之

道質諸天地參諸鬼神而不惑也何謂天子之禮正
統是也正統之君始立則大書其國號謚號紀年
之號凡其所爲必書言必書祀典必書封拜必書書
后曰皇后書太子曰皇太子后及太子沒皆曰崩葬
必書其陵其謚有事可紀者紀其事所措置更革曰
詔曰令曰制兵行曰討曰征曰伐施惠曰赦曰大赦
施刑當罪曰誅曰伏誅違上與兵者曰反曰作亂曰
犯曰寇曰侵倍之者曰叛其隣國其臣慢之者必因
事貶之知尊正統者雖微必進之不幸而至於衰微
受制於強暴或屈而臣之強暴者誠夷狄也誠不可
爲正統也則盜賊之雄耳必慎抑揚予奪之辨其
以兵侵也曰入寇得地曰陷據都曰據至闕曰犯虜
正統之君必易辭書其故見殺曰弑而書其主之名
及其主之沒也特書曰死其黨之與謀陳力得罪於
正統者雖功多皆書曰死以著其罪以紀其惡得中
國之地其民有思中國而叛之者曰起兵以地降之
曰來歸不爲中國而及者彼亦不得而盜賊之也亦
曰起兵得郡則曰取其郡其誘正統之臣曰誘執曰
執殺曰殺將相則名其主正統之臣降于夷狄則夷
狄之死不曰卒而曰死凡力能爲正統之患者滅亡

則異文書之以致喜之之意正統亂亡則詳書而屢見之以致惜之之意變統之異於正統者何也始一天下而正統絕則書甲子而分註其下曰是爲某帝某元年書國號而不書大書帝而不書皇書名而不著謚其所爲非大故不書帝祀不書或書以志失禮或志禮之所從變則書立后不書尊封其屬不書非賢臣雖王公拜罷卒葬不書行幸非關得失不書詔令非有更革不書其崩曰殂其死曰薨大臣曰卒佐篡弑贊征伐以危正統者曰死聚斂之臣曰死酷吏曰死浮屠之位尊而因事得書者曰死毀正統陵廟宮室名其主用兵不曰討不曰征伐刑其人不曰誅天下怨而起兵惡而起兵不曰反惡乎篡弑非惡乎君也惡乎夷狄惡乎女主非其君故不得以君道臨之也惟於其臣於其部落則得致其罪士之仕變統能安中國則書能止暴亂除民害則書能明道術於後世則書有愈貴而愈賤者有愈賤而愈貴者利祿寵倖之臣愈貴而愈賤也守道不污之上愈賤而愈貴也故君子之於變統外之而不親也微之而不尊也斷斷乎其嚴也閔閔乎恐其久也望望乎欲正統之復也是何也爲天下慮也使女主而乘君位夷狄

而踐中國篡弒而不亡暴虐而繼世生民之類幾何
而不滅乎立變統所以扶人極能言抑變統者君子
之所取也

正紀

命實而愈類也官更不亦之也胡翰

六合之夫萬民之衆有紀焉而後持之何紀也曰天
紀也地紀也人紀也天紀不正不足以爲君地紀不
正不足以爲國人紀不正不足以爲天下何謂天紀
天子無所受命者也其所受命者天也故國君受命
於天子天子受命於天義至公也堯有天下七十載
而得舜舜有天下五十載而得禹禹以功德

得天下也不曰堯舜與之而曰天與之也由禹之後
桀承其紀而自絕于天故湯放之由湯之後紂承其
紀而又絕于天故武王伐之天下不以湯武爲篡而
曰此天吏也天之所廢孰能興之天之所興又可廢
乎皆歷數也虞夏商周之取與異道皆推至誠以順
天者也而後世欲以詐力爲之始亂天下之大義矣
何謂地紀中國之與夷狄內外之辨也以中國治中
國以夷狄治夷狄勢至順也自三危積石負終南地
洛之陰抵太華而北逾大河竝太行抵恒山之右循
塞垣至于濊貊朝鮮是謂北紀胡門也自岷山嶓冢

負地絡之陽竝商山抵崑洛而南逾江漢至於荆衡
循嶺徼至于百粵是謂南紀越門也其間包有蠶爰
青徐荆揚豫梁雍之地土黨天下之春也私農分陝
兩河之會也其外四夷居之風氣不同習俗亦異虞
有三苗之叛周有昆夷之患雖有聖人不能使之同
仁從其族類可也而後世務勤遠略欲以冠帶治之
始失天下之大勢矣非一朝一夕之故也由漢之後
汨天之紀者莫曹操若也由晉之後汨地之紀者莫
劉淵若也晉之事衰世之事也以唐高祖太宗之爲
君而不能挈天下歸之正者何也高祖起兵晉陽下
西河取臨汾鼓行而入長安除暴隋之禁約法十
二條民懷其德威震海內與漢何異哉漢王卽位凡
水之上蕭王卽位鄱南君子與之唐受隋禪獨不與
焉非有惡於唐也楊廣弑父與君天下之首惡也與
天下誅之天下之大義也不知出此而從事於繁文
爲飾猶竊人之鐘自掩其耳知其不可而猶爲之是
以魏晉自處矣太宗承武德之後以百戰之師命李
靖等將之擒頡利降伊吾平党項西通吐蕃回紇南
致謝元深空人之國俘人之衆瞽然自以秦始皇漢
武帝不若也魏徵言之不聽顏師古李百藥言之又

不聽好須臾之名忘將來之患卒從溫彥博之義虛
漠南之境徙其部落居吾內地留其君長備吾宿衛
而帝加號天可汗刻之璽書是以夷狄自處矣以夷
狄處者以夷狄與之以魏晉處者以魏晉處之春秋
之義也蓋將以正天地之紀也天地之紀不正雖有
人紀君臣也父子也夫婦也朋友之交也長幼之序
也何自而立哉而人紀之在天下固有不可泯焉者
哉當魏晉之初毛珣荀彧雖以操之奉獻帝爲扶弘
義示至公爲當時之士如其寧周瑜金縢耿紀之徒
奮不與之淵雖尊漢安樂自謂漢氏之甥而孔恂遂
知其奸 夸不仕其朝忠臣孝子遭時多難未嘗不
駢首接跡於當世昂鏤在前而不避刀鋸在後而不
顧吾以是知生人之紀未嘗泯也雖有正者豈難也
哉故天下莫要於人紀莫切於地紀莫尊於天紀亂
其一則其二隨之亂其二則三者夷矣漢不亂則操
固漢之征西也晉不殘則淵固晉之都尉也天地之
紀不正由生人之紀先紊之也非秦隋之亂漢高帝
唐太宗亦何自而興哉漢承秦之變變而近正者也
唐承隋之變變而善正者也三紀之立其堯舜禹
湯文武之世乎善爲天下者亦法乎堯舜禹湯文武

而已矣

李泌

高啓

甚矣小人之凶人國也天下之至親篤愛出於天性而不可以言間計奪者莫父子若也然其變往往有至於殺其子而不疑弑其父而不顧者何哉小人間使之也沙丘之禍成於李兗湖城之恨發於江充若潘乙楊素之流又不可以悉數蓋小人懷傾險之情挾奸亂之術居人父子間投隙抵罅常幸其有事以苟一時之富貴故必以利盡人子以害脅人父挾讐所親而嫉所愛二爲所惑則父不得爲慈父子不得

爲孝子夫父不慈而子不孝則人道滅矣豈有人道滅而可以爲國乎此小子之所以必去而勿用也嘗觀之於唐太宗賢也而承乾不能全其生玄宗明也而子瑛不克盡其死至於肅宗之昏魯德宗之猜忌而太子卒得以不動者果誰之力哉一李泌而已耳當是時倖有功也而李輔國嫉之誦無過也而張延賞構之二子蓋岌岌矣賴泌居其間左右彌縫上下歡悅累數千言皆出於至誠盡忠之意委曲剴到悽惋惻怛有足以感人者故聽之讒疑之跡廓然而雲消渙然而冰釋旣悔且悟不覺其泣下之霑襟也廼

知天性之已有終非小人之所能掩者特患無君子以發之耳苟皆得泌則天下其有相弑殺之禍哉昔曹公以丁儀之譖亦欲廢其子問於賈詡詡不對公問其故詡曰屬有可思故未卽對耳公曰何思詡曰思袁本初劉景昇父子也公大笑而罷蓋公智者也故雖聞他人之事而有悟有不待於辭之畢若二君者亦嘗親厄於其身親觀於其目矣然至於此非泌之忠反覆善諫則猶未必其國本之不搖也然則君無曹公之智臣無李泌之忠而小人是信則雖父子猶不能自保可不慎哉

皇明文選卷之二

皇明文選卷之二

三

160元
2287
梓

